

知本提綱

卷五

BF
1770
C543197
1797
V.5

第五冊

卷五

修業章

四業總論

農業綱領

耕稼要法


園圃助養


桑蠶要法

樹藝要法

畜牧要法

農業總結





知本提綱卷之五

茂陵楊 岫雙山著

受業鄭世鐸覺一註解

男 生洲子瀛

叅閱

受業永鉞龍雲從

受業楊 列漑遠

晚門人朱石琪子蘊 同校

修業章

倫常允為首重事功尤屬先資

此章言事功之實也事功

郎首章所云修業下文所云農工禮樂是也蓋上帝大命首重倫常然不有先資之業倫常何以克全故必豫理事功於明倫事功先之先而後其道乃可盡而無難也

知本提綱

卷之五

修業章

一

推乎助命。經綸莫要於切身。乃助命解見首章

命。卽下所云四業也。經綸解見順命章。蓋降
衷之先。帝已造萬物以備人用。凡宮室器具
之材。衣服飲食之需。花卉臭味。禮數音樂之
資。無不周備詳悉。是謂助修之命。實皆切身
要具。故大君統治宇內。必先推明助命。裁成
創制。作耒耜機杼之具。授耕稼工藝之法。定
禮樂制度之則。切身經綸。俾皆明道立功。復
還倫常之大命。此固生人至要之實功。學者
不可不其目。凡萬端其綱惟四業。大君順命
裁制。經綸
事物其目蓋有萬端之繁。而其綱惟統於農
四業。卽下文所謂農工禮樂四者而已。

工禮樂。事實通乎身家天下。養利節和道自

該乎修齊治平

此著四業之名。與其所以為綱者也。人生性依於身。身統

於家。家統於國。與天下皆不能無待而自安。故上帝命物備用。大君切身經綸。養之以農利之。以工節之。以禮和之。以樂可以修一身。即可以修千萬身。可以齊一家。即可以齊千萬家。而治平之道兼該萬事之職。咸舉四業之於人。誠要矣哉。

全仁復命。惟

賴五倫之功。盡倫歸仁。實藉四業之助。

人生分性

受命。故終身之要莫先於復命。復命莫先於全仁。全仁莫先於盡倫。盡倫莫先於修業。是四業為盡倫之助。五倫為復命之要。不盡五倫而欲復命。不修四業而欲盡倫。皆欲其入而閉之。固天德之實誠。王道之本。

天德猶言大德。即五

常也。王道聖王安民治世之道也。能修四業以盡五倫。則五常克全。萬民相安在一。人則天德立。在天下。則王道行矣。蓋重農則養形有資。習工則事務不困。節禮則身心有主。和樂則性情不滯。君相經營。吏民効力。自然各厚其生。各正其德。熙熙皞皞。共享昇平。若怠棄四業。斯形無以養。性無以盡。天德無其實。王道無其本。雖胸富文才。口談治理。終屬空言。何益離於須臾而不能。由乎畢世而不盡實用乎。離於須臾而不能。由乎畢世而不盡。天德王道皆賴四業。雖欲須臾離之而不能。事本淺近。道實深遠。即使畢世由之而不盡。吾儒處而儲學。卽儲此四者。出而運才。卽運此四者。儲蓄也。人生大端。無過形性。終身大要。無過養形復性。而其道統備於四。

業故雖出處異途而成已成物。獨善兼善。皆
不越乎此。若學不儲此。而學非其學。才不運
此。而才非其才。則出處兩失其道。而事功無由成矣。**農工並修著形始**
得依賴。禮樂大備。元靈乃臻太和。上帝生人。惟有元著
兩體然元靈依著本為明道立功苟著形失
所依賴元靈何以盡職故必農工並修著形
始得依賴之資更兼禮樂大備盡倫全仁自
然道明功立元靈乃臻太和歸闕復命方有
其階是形性兩盡之道實有藉
於農工禮樂所關不誠重哉**斯為事功之**
定規。允屬人道之重務。總承上文言此四業
乃上帝明命生人中
所自為者本一定之規不可任意增減均
重大之務又豈可怠棄而鄙瑣視之乎。

農則前論

夫欲修四業之全宜先知農務之要。此下先君農務

之要也。四業必務其全。而農居其首。農者養之原也。身有所養。則生有賴。而家可立。明道立功。無所阻難。故聖王經綸。必先使民盡力於農。俟其穀帛豐裕。然後節之以禮。和之以樂。以輔其德教。而躋斯民於仁壽之域。若不首事農務。將衣食艱窘。朝夕救死之不暇。又何能節禮和樂。以明道立功乎。衣食者生民之命。無食則饑。

無衣則寒。饑寒至而形體毀。耕桑者衣食之原。力取則豐。坐棄則困。耒耜修而王政成。人生

性分帝衷。是爲元體。形成五行。是爲著體。元體有始無終。著體有生有死。得養則氣凝。而性有所依。失養則氣散。而性無所憑。故其生死之命。係於衣食。一有不繼。則形體卽毀於饑寒。而性失憑依。何以明道而立功。至於衣食之本。又出於耕桑。乘時力取。則豐。失時坐棄。則困。所以必耒耜修舉。以盡地利。而王政乃成。自然衣豐食足。形不遽毀。性有憑依。明道立功。復還元體之本。然矣。昔太初之民。木衣草食。冬寒多死。及後茹毛飲血。生齒日繁。而毛血不繼。亦漸死亡。有聖王作。製耒耜。教稼穡。然後民得盡其天年。無夭亡之患。故曰農爲四業之首。而修之者。不可不知其要也。

大哉天子躬耕而示本。皇后親蠶而垂法。

大君切身經綸。知民生要務。必先耕桑。故天子

躬耕藉田。皇后親理蠶桑。皆服天下之至勞。以倡天下之民。所以示根本。垂觀法。恩意至爲深。誠以饑食寒衣。均關立命之重。男耕女遠也。

織。並係復性之功。

饑之於食。寒之於衣。得之則生。失之則死。是以均關

立命之重。而衣食原出於耕織。分職於男女。果各勤其職。則衣食足。衣食足。則明道立功。而性可復矣。故君后示本垂法。督帥天下意在使知二者並重而不可有一端之或荒也。

乃民生營營。各自謀其朝夕。卽殊塗紛紛。究

同歸於衣食。

營營。籌畫之意。衣食出於耕桑。乃民生本業。各能安分盡力。自

然衣豐食足。但人多以本業辛苦。羣趨末作。自謂避迂就捷。究竟終歲皇皇。日無寧刻。亦

祇為朝夕之計。即其所事。紛紛殊塗。要同與歸於衣食。初無異乎親理耕桑者之心也。

其逐末於難必。何若返本於正途。舍本逐末。原欲不耕。

而食美食。不織而衣美衣。免四時之勞。而享終歲之逸。然而價值之起落無定。事故之有

無不齊。兼拋親子。背井離鄉。艱苦百倍於農人。倘一旦失望。終世艱窘。豈非難必之利

乎。何若返歸本業。講求正途。男耕女織。用力既易。而獲利無窮。謀生者宜盡心焉。返

本莫要於王道。四農必務其大全。農為王道之首。返本

者莫要於此。而其目有四。必務耕以供食。桑

其大全。方為克盡農業之道也。以供衣。樹以取材。木畜以蕃生息。此著四農之目也。耕

則食足。桑則衣豐。樹則材木有出。畜則生息不_レ乏。四者乃生財之原。治平之本。君民上下無不取資。不出鄉井而俯仰自足。不事機智於此也。

而用度悉備。日積月累。馴致富饒之樂。子繼

孫承。永流奕世之澤。

機智猶言詐謀也。馴漸也。奕世累世也。舍本逐

末之人。往往背井離鄉。勞苦百倍。究其所獲。必用詐謀。方能取利。以為俯仰用度之資。非其好為不誠也。以不用詐謀。則其利無所出耳。惟敦本務實者。四農無缺。利源自開。既無背井離鄉之苦。又無詐謀不誠之咎。俯仰足而用度備。父母妻子得所。冠婚喪祭易舉。百倍逐末之利。若更日積月累而富饒致其樂。子繼孫承而奕世流其澤。蓋天送時。地產利。

人能乘時力取。自然用之不竭也。豈若逐末者之徒。食詐謀。人勞而力於田。已逸而享於室。以致奢靡成風。角爭相尚。若農業之失務。旋富旋貧。不能世守其業乎。

自衣食之不敷。

敷足也。衣食爲生人之命。苟有不敷。饑寒切身。老羸轉乎

溝壑。少壯逃於四方。父子不相顧。兄弟相離。夫妻相棄。卽胸藏二酉。學富五車。亦必袖手無策。徒成餓亭也。農務所關不亦重哉。

沙礫盡化金銀。難療枵

腹之饑。玉石變珠玉。豈禦切膚之寒。

枵空虛也。

金銀珠玉皆備器具玩好之用。過多亦祇徒增器玩而已。何所當於饑寒乎。

卽有

至仁之純德。弗止凍餒。雖以上聖之明哲。難

保流亡。

一 農業失務。衣食不敷。饑寒之害。蓋慈

母尚不能顧其子。則大君更安得保其民。

衣食

一 缺。母子不能相顧。君民愈難保全矣。

故國計以積貯為重務。

貯藏也。承上文言衣食所關既大。則國家之積貯。自不得不重。蓋國以民為本。民以衣食

為命。衣食足。則民生遂。國本固。故聖王立國。首重民命。而以積貯為要計。其見於典籍者。

班班可考。如三年耕。必有一年之食。九年耕。必有三年之食。以三十年之通計。國用雖有

凶旱水溢。民無菜色。若國無九年之蓄。曰不足。無六年之蓄。曰急。無三年之蓄。曰國非其

國。積貯之所關如此。制國民生以蓋藏為先用者。可不思所以厚之乎。

籌

蓋藏猶言蓄積也。籌算也。承上文言既藏

富於國。尤必藏富於民。然後蓄積厚而取
用不匱。凶歉始有所濟。其要在於豐稔之年
先慮一家一歲之用。節其有餘。以爲蓄積多
者。滿倉箱。少者盈儋石。是處豐常如歉。則處
歉自不減於豐也。乃今之爲農者。見近小而
不慮遠大。偶值豐稔。肆然自足。侈費妄用。務
快一時之適。所獲早已無餘。一遇少歉。卽稱
貸於兼併之家。秋成備息而償之。歲以爲常。
終世不振。甚至有收刈甫畢。卽無以糊口者。
况能給終歲之用乎。倘經大荒。難免溝壑流
亡之患。是以家無三年之蓄。曰不足。無二年
之蓄。曰急。無一年之蓄。曰家非其家。則前必
夫謀民生者。安可不以蓋藏爲先籌哉。

謀後豐不忘歉。雖有水旱蟲雹之災。可無溝

壑流亡之患

電謂冰雹也。流亡謂流走逃亡也。上帝生人以豐祥樂育。卽以

災歉艱困。所以警戒情逸奢靡之愆。乃啓牖下民之深仁也。故立國立家必先以積貯。蓋藏爲要圖。處前而卽謀其後。處豐而不忘乎歉。先事區畫。豫備無憂。則粟帛克裕。國家富足。政行事舉。攸往咸宜。卽有災荒。尙何患乎。傳曰。收斂蓄積。節用御欲。則天不能使之貧。不信。尙生齒之日增。宜利源之大闢。

上言積貯蓋藏

爲農業之要務。此下復言生齒日增。更宜大闢生利之源。夫生利之源。卽耕桑樹畜之四農是也。昔周以農事開國。皆因世守稼穡。艱難積累以致之。而孟子七篇之中。反覆叮嚀。總不出乎夫耕婦蠶。五雞二彘。無失其時。老耆衣帛食肉。黎民不饑不寒。數十字而已。真

生民衣食之原。國家富強之本。誠能加功大
闢。自然利賴無窮。而聖王之所以興教化。厚
風俗。敦孝弟。崇禮讓。致斯世於昇平。躋斯
民於仁壽者。從末有不權輿於此者也。人

生物產本相對待而不爽。功加息倍。自無紀

極而皆足。

紀數紀極盡極也。上言生齒日增。更宜大闢利源者。誠以太平三十

年。生齒必加一倍。養賴之方。原不可緩。然人
生物產之數。兩相對待。其理本自不爽。若生
齒繁增。宜於農業加功。自然出息倍收。無有
紀極。養賴自無不足。昔李悝爲魏文侯作盡
地利之教。以爲地方百里。提封九萬頃。除山
澤邑居。三分去一。爲田六百萬畝。治田勤謹
則晦益三斗。不勤則損亦如之。地方百里之
增減。輒爲粟一百八十萬石。誠深知功加息

倍之意也。蓋如常田種穀。幸值雨暘合時。每畝可收穀一石。若制畦糞肥。用水澆灌。每畝可獲穀三四石。再加移栽深根壅培之法。每畝可獲穀五六石。又如常桑飼蠶。每畝可得絲五六觔。糞肥澆灌。每畝可得絲八九觔。再加接培修科之法。每畝可得絲二十餘觔。苟以六萬頃之損益準之。其增減更不下數十倍矣。故雖生齒日增。而農功日加。出息日倍。初無不足之時。重大無過於農道。性命攸關。對待之理。然也。

推求必要於親理。士民不分。在學校不可一

日不講。在田里豈可一日不力乎。

農為生民之命。王政

之本。明道立功。盡性復命。皆賴乎此。原非小道可比。而其道亦無窮。諺曰。智如禹湯。不如

常耕。孔子曰。吾不如老農。聖賢之智。猶有所未達。况凡庸者。可不加推求乎。夫推求莫如親理。故古者取士。力田孝弟並重。其選孝弟爲立身之本。力田爲養身之本。二者相資而不可相離。是士民之不分也。蓋其教之者。莫先於士。養之者。莫重於農。士之本在學校。農之本在田里。古者新穀旣升。子弟始入學。過冬至四十五日而出聚。則行鄉飲。正齒位。讀教法。散。則從事於耕。故其時。天下無不學之農。舜。聖帝也。萬世言孝者莫加焉。而耕於歷山。伊尹。聖相也。其作訓曰。立愛惟親。立敬惟長。而耕於有莘。故其時。天下亦少不農之士。士之所學者。農。農之所養者。士。士而不農。則身無由養。農而不士。則道無由聞。是以重大之務。無過農道。學校之中。不可一日不講。田里之間。不可一日不力。然後農業精而利源

開利源開而民命立。民命立而王道行矣。○
自欲修四業之全至此。乃統言四農之要。所
以爲四業之首。而下
方詳言乎耕道也。

農則耕稼一條

夫耕爲農事之首。食爲生民之天。

此下詳言耕道以見

爲農事之先務也。食出於耕而民非食不生。故其有關於民如天之重大也。欲求

足食之道。先明力耕之法。

民以食爲天。食以耕爲功。苟明耕法。

食自倍足矣。

土脉異其宜。

此下數節統論耕道也。土脉猶言土之生性也。

大地本同一土。而生性所發實各異其宜。卽如良田宜種晚。早亦無害。薄田宜種早。晚則

不實。山田宜種強苗。以避風霜。澤田宜種弱苗。以資分布。又如黃白土宜禾。黑墳土宜麥。赤土宜菽。汙泉宜稻之類。皆本土一定之風性。各含自然之種。耕者先當察其宜也。風氣殊其致。隨其土性所宜。因之以成氣化。是以風土迥別。卽如南種粳糯。北種麥粟。稻有一熟三熟之分。菽有秋種春種之殊。更或有以稔秣爲命。或有以黍稷爲生。布種不同。收穫亦異。且或寒熱相遠。風氣懸絕。如荔枝龍眼不能踰嶺。橘柚橙柑不能過淮之類。皆風氣殊致之明驗。耕者但當植其所易。而不可強其所難也。天星之鍾育不一。鍾猶孕也。天地兩難也。相對待以成造化。地產大小之物。皆有定數。乃天星之氣下映而生。星不一其類。物亦不一其族。是鍾育不

一。而成形

物侯之參差多端

參差不齊也。萬物種植風土不

同故其侯亦不一。即如秦地二月種麻。泉種桑。二月三月種早脂麻。及稻秧草棉。四月種豆。及晚脂麻。五月中旬種粟穀。七月種萊菔。菘芥。八月社前後種麥之類。種無虛日。自收無虛月。惟順其先後之序。始不違其物性也。

畧舉大概。例見其餘。

大地之上。土宜風氣。星育物侯。處處各別。萬難備載。茲特畧舉大概。例見其餘。使耕者知其要領而已矣。

若能提綱挈要。通變達情。相土而因

乎地利。觀侯而乘乎天時。雖云耕道之太實

有過半之思。

變。謂耕道之變情。謂物生之情也。相。視也。耕道雖太不越因地。

乘天二端若能提綱挈要。通耕之變。達物之情。相土自然之種。而因其利。觀天一定之侯。而乘其時。其於耕道之大。已思過半矣。然則因地乘天二端。固耕道之綱。謀生之要。昔禹稷躬稼以教民。意必首重乎此。而不徒在區區耕芸之法也。迄今讀禹貢之文。知九州物產昭然明晰。不可蓋人以五行著體。日用消見古人之耕道乎。

耗元元之氣。宜繼物以五行備用。穀稟中和。

生生之助爲首。

元元之氣。謂胎稟著體之元氣也。帝以五行著人之體。原

本一氣凝結。不能久羈。兼日用之間。言動營爲。呼吸運轉。時有消耗之費。若不培養。立見毀壞。故又以五行造化萬物。同類補添。以繼其元元之氣。但物類甚繁。且各稟備用之偏。

惟黍稷稻粱麻二豆二麥名為九穀獨得中和之稟為補助之首人得其養方能生生少延其形若內無穀氣七日即死以五行元氣無所繼而毀也是以聖王要政在制耒耜教樹藝以布九穀使人皆得其補天時地利詳助然後明道立功以復帝命也

察以奏功棄毒取良選拔而布種

每歲之間天畀時地

產利人當趨時盡利以奏其功此為耕道大法所宜詳察至於所種之物性各不同毒者善攻良者善補必酌其日用常需選拔其良者如九穀之類多為布種養賴自不乏矣

日行三道地分五帶

詳解見首章知三道之行則天時始可乘知五

帶之分則地利始可盡矣

黃道一周率土共被夫恩澤陽

和相濟氤氲化生乎衣食

黃道氤氲詳解俱見首章率土解見

上各章曰行黃道一年一周而遍地之上其被恩澤蓋地本水土合成陰體得日陽來臨

方能陰陽相濟均調和平化生萬物而衣食始從此而出也是以黃道一周五帶之地均

得衣食而共被上帝之恩澤此天主行施時地利之太本力耕者可弗詳乎

地主含化惟憑水火之調燮

居表而運行以施種者天之職

也居中而承載以生化者地之職也然其聯合貫通惟憑水昇火降方能調燮不偏而後材料全備萬物始得發育耳 損其有餘益其不足更需人

道以裁成

天地施化水火調燮雖為造物之材然此乃帝功也人為帝子自有

繼述之善。故參天地。和水火。有餘者損。不足者益。更需人道。以著裁成之妙。而後物類繁昌矣。土嗇水寒。犁破𦰩撥。藉日陽之暄。而後變。

此下申言人道裁成。以明耕田之理也。犁者利也。利發土脉。以絕草根也。𦰩。小犁也。土為少陰。而氣嗇。水為太陰。而氣寒。必得陽火。丞發。始能生物。故犁破𦰩撥。翻其結塊。上承日陽之照。消燠嗇寒之氣。自然轉陰。為陽。而變其本體。物生有資矣。曰烈風燥。

雨澤井灌。得水陰之潤。而後化。日本太陽而氣烈。風本少。

陽而氣燥。土既犁𦰩。經日烈風燥。陰質盡化。陽亢。何以發育。必復得水陰之氣。歛其過洩之陽。合其潤澤之陰。陽變陰化。陽生。倘陽丞陰成。包含融結。以大發育之功也。

不極。經水奪而有化。無變。生氣既滯而不暢。

陰歛不時。遭旱洩而有變。無化。物力亦散而

難凝。此承上意而反言之。以見變化之妙也。

極而後歛。則生氣無有不暢。若未極而奪之。

是有化無變。而生氣自滯。日陽所以烝陰體。

然必須水陰收歛合時。而烝發始無過洩。則

物力無有不凝。若過時旱洩。是有變無化。而

物力亦散。蓋陽生為變。陰成為化。變則啓其

端緒。發其新機。化則脫其本根。易其故形。陽

變陰體。陰化陽氣。陰陽和造化成。蓋獨陰不

而品彙繁昌。此耕道之大端也。

生孤陽不長。陽施陰承。陰化陽變。陰陽交而

五行和。五行和而萬物生。故犁耨灌溉必勤。

其功斯燮理裁成。自盡其妙。

陰陽交濟。五行合和。自然萬物

生育。此帝功之常道也。若更加灌溉犁耨之

人功。必且廣布倍收。而燮理裁成之妙用。乃

於是。既明力耕之道。更辨時土之宜。

詳辨時土。乃耕

道之大要也。審乎山澤原隰水田之制。察

乎氣機陰陽淺深之法。

此下先言土宜也。田者。填也。謂五穀填滿

其中也。凡土皆可田。而約有五等。山坡曰山

水濕不流曰澤。高平曰原。低平曰隰。水種曰

水田。五者之氣機。各有陰陽不同。而耕耨之

淺深。亦宜分別。即如山原宜種麥粟菽稷。隰

田宜種薏米稌秫。澤田宜種蔣薺薺茹水田
宜種粳糯菱藕芡實之類。其耕耨又當分其
淺深。以順其陰陽之機。山原土燥而陰少。加
不可耨昧以失其利也。

重犁以接其地陰。

此下言耕田淺深之宜也。山原之田。土燥陰少。而生

氣鍾於其下。耕時必前用雙牛大犁。後即加
一牛獨犁。以重之。然後有以下接地陰。而生
氣始發矣。否則淺啓地膚。亢陽過洩。隰澤水
地陰未出而無所收歛。何以生物乎。

盛而陽虧。輕鋤耨以就其天陽。

耨似鋤。所以
蔣禾者也。隰

澤之田。水盛陽虧。而下無生氣之鍾。耕時惟
輕用鋤耨。啓其地膚。以就天陽。即可發生否
則深加耕耨。必令子粒陷入。山耕橫耨單掩
陰分。而生氣微而不振矣。

上已言山耕之法。此復言其形勢也。山坡之田。不能廻旋轉行。惟用橫耩。單掩下坡一面。歲歲不易。自然漸平而易於耕矣。水耕。剷根起泥。剷逐也。謂

根株也。水田本體至陰。耕時宜剷斷草。耕如之宿根。起積泥。蹂爛極細。方為有用。耕如

象行。細如疊瓦。

上言五田之耕。各有不同。此又統言耕法也。象行至正。耕

之正。當如象行。瓦疊鱗次。

寧廉勿貪。

廉。謂犁行之窄。

少也。犁廉。則耕細而牛更不疲。犁若貪多。則隔生不熟。而牛亦傷。力且即所餘寸土。他日永根生。長則曲屈。不能入葉。雖叢生。終必漸枯。故宜耕犁廉細。翻熟無隔生之土。則種植均茂。自無不毛之患矣。寧燥勿濕。耕燥雖有土塊。若得日暄陽亢。一經雨澤。

則散漫如粉解子粒之入。自易發生。若耕濕踐踏。積成堅塊。生機結滯。數年不暢。倘有不

知犯此弊者。即宜重復。抄撥。使其乾。初耕宜

淺破皮。掩草。次耕漸深。見泥除根。

耕之淺深。必循定序。

然後暄照均勻。土性易變。故初耕宜淺。惟犁破地之膚皮。掩埋青草而已。二耕漸深。見泥

而除其草根。諺曰。頭耕打破皮。二轉耕勿動。耕犁見泥。蓋言其漸深而有序也。

生土。頻抄。毋留纖草。

轉耕返耕也。或地耕三。次。初耕淺。次耕深。三耕

返而同於初耕。或地耕五次。初耕淺。次耕漸深。三耕更深。四耕返而同於二耕。五耕返而

同於初耕。故曰轉耕。若不知此法。愈耕愈深。將生土翻於地面。凡諸種植。皆不覺茂矣。至

印本堤岡

卷之五

修業章

七

於耕犁土塊。原欲受日陽暄照。變其陰體。方能發育。故尤須小犁頻撥其草。毋使少留纖毫。以遮蔽陽光。縱橫犁耖。陽始盛而土始細。斯照無不周也。

根本深固。風不入而澤不出。也。縱橫。猶言頁順也。耕地若拘定。

畛。耕必不熟。故宜縱橫犁耖。使日陽漸足。土陰漸變。則細燥而易於受水。一有種植。根本深固。外風不能入。內澤不能出。始無耗散之弊。自能耐乎亢旱。而滋養有賴。種植無有不蕃。是多耕誠農。苗甲樂乎繁茂。子粒慶其倍事之首務也。

收。出土曰甲。生葉曰苗。多耕一耕二勞。更知熟耖。陽足土細之效也。

春秋之殊。上既詳言土宜。此下更言時宜也。勞。磨田之名也。一耕之後。日暄數

月。若得雨澤濕潤。卽縱橫勞二次。土塊粉解。次日又耕。得雨又如前二勞。如此數次。自必細熟。然此乃夏耕也。更有春秋之分。不可不知。春時日陽漸盛。地氣上發。隨耕隨勞。毋使濕耗。如或濕盛。亦可少暴。秋時地多濕潤。必待背有白色。方始加勞。否則壓成堅塊。反難散解。如或秋旱水乾。亦可隨勞。斟酌用之。務得其宜。要此皆就有四季之地而言之。餘可類推。

耨疏耙搭兼審剛柔之別

耨耙皆鐵器。與上犁耖俱

詳後農器門中。凡人耕田。惟知深犁多勞爲功。不知耨細尤爲全功。若耨功不到。雖加磨勞。土終麓硬。下種見苗。而根土不相着。豈能久耐風旱。故往往有懸枯蟲咬自死等弊。是不知剛柔之宜也。夫剛土久經雨水。則成礮泥條塊。最難攻散。或草木根株結繡。亦難開

解故必先用鐵齒大耨縱橫疏散俟條塊既
開再用鐵齒小耨搜去根株然後磨勞土無
不細矣若係麪塏沙土其性本柔雖久雨終
不結塊可不用耨如有草根用耨搜去自然
濕散

耕稻田以春假其外助

假借也稻為水田其體至陰春

日耕之借日陽方盛之氣耕麥田以夏藏其

內榮

榮盛也麥為旱田夏日耕之受炎日之暄照得雨收斂更迭耕勞掩藏陽氣於

內來年麥發

避霜斂陽知秋耕之宜早

長夏日陽

自有力矣

積射地上初秋早耕早勞將積陽掩入地中

一經霜雪陽氣閉固而不出次年春種發生

自必鬱茂若秋月耕遲使寒霜掩入地中陰

氣內凝次年諸種不昌即或地不早閒秋冬

之間方能耕犁。亦必俟日高霜消。始為耕犁。可免掩霜之患。掩草生和明。

春耕之宜遲。

春日冬寒未盡。一經早耕。翻出內陽。掩入外寒。則諸種亦不蕃。

育必待春草生時。方用耕犁。掩覆其草。自生和氣。地力愈壯矣。

乘時力作。則

食不困。失時胼胝。雖勞無功。

胼胝。謂手足勞苦而皮厚也。蓋

力耕之要。惟在趨時和土。春日凍解。地氣始通。一和也。夏至天氣始暑。土更大解。夏至後九十日晝夜分。天地之氣又一和也。此三時耕田。一可當五。名曰膏澤。皆為得時之功。故春可耕。堅硬強土。即如黑壩土之類。隨耕隨勞。得雨後更迭耕勞。令其散熟。以待時種。所謂強土而弱之也。春深杏花開放。乃耕弱土。輕土。雨後即耕。人畜踐踏。或更以牛羊踏之。

和土是剛。

卷之三

修業章

七

令其堅實。然後再耕。此謂弱土而強之也。夏秋耕勞麥田。更合其宜。則力作乘時。而食自不困矣。若此三時失耕。四五不能當。雖受胼胝之勞。亦何功之有乎。人浮於

田。短牆之耕。宜講家艱於食。掘區之功。毋緩。

此又言田少食乏者之耕也。人多地少。出息微而養賴不足。可作短牆之耕。法宜夏月築短牆數行於田間。秋後復平爲田。其土自肥。禾根亦深入。則一畝卽收數畝之利。若家艱於食而求速利者。更將地畝掘區布種。務使土細澤深。再用糞沃水灌。實有數倍之收。其法詳載後。此係耕道大法。要當隨地斟酌。以農務門中。乃耕道大要。不可不知。至於各地淺深。因土之輕重。輕土宜深。重土宜淺。用犁大小。因土

之剛柔。剛土宜大。柔土宜小。且其土有用一
犁。一牛者。有用一犁二牛者。有用三牛四牛
者。有用二犁一牛者。有淺耕數寸者。有深耕
尺餘者。有甚深至二尺者。當各隨其方土。相
宜而耕。不可執一而論也。墾荒亦力耕之要。利器乃墾荒

之本。

此下又言墾荒之要。以推廣力耕之道也。墾。開也。利器。謂如大犁。耨耨。利刀。鐵

齒。擺。鐵齒。耨。及尖。鑿。鏝。刀。刺。勞。鉞。鏟。之類。言開墾荒地。為力耕之要務。生財之大原。然必先備諸器。以為去草之本。開墾自無難矣。冬春則燔燎。夏秋則芟

夷。

此下詳言去草之法。乃墾荒之始事也。燔燎。焚燒也。夷。與芟同。皆去草之名也。冬春

之際。草木乾枯。用火焚燒。待春雨下降。地氣通潤。草芽欲發。然後用堅重大犁。或二牛。或

印本題綱

卷之五

修業章

六

三牛以開之。若夏秋之間。草木榮盛。必用鑿刀。或大鑿。鈐之。俟乾枯焚燒後。亦用前犁開之。此皆未開之先。除草之方。所當因時而早謀者也。弱則犁而卽掩勁。

則劓而後耕。

此下言初開之時。去草之方也。凡細粟之草。其體本弱。犁過自

然掩蓋。無庸別除。若堅硬之草。或樹木之根。其體皆勁。必先用鑿掘去。然後行犁以耕之。自無不開也。未加利刀以斷根。耙隨耨抓以除穢。

方耕之時。未前縛以利刀。犁行力推。凡一切新脆根株。迎刃自斷。而未耨無傷。耕後再用鐵耨。抓開草根土塊。更以鐵耙隨後攪去草根。蕪穢之物。乾則焚燒。而荒地可變熟田矣。山坡可梯而種。水澤可架而收。
上言開墾原隰之方。此言

開墾山澤之法也。山坡險峻。人難置足。必宜
上坡。用鑿掘土。單築下坡。使其平正。層層相
因。如梯之形。是謂梯田。然後可以耕種。而無
碍。水澤之地。無田可耕。更當架木覆土。布種
黃稻蔬菜。是謂架田。亦可有收。又有嫌鹵之
地。上亦厚覆好土。旁掘溝渠。使嫌不復上出。
亦可收如常田。是知地利不足。初開半熟。先
人力尚能補助。墾荒之益大矣。初開半熟。先
布蔭翳之物。根朽土柔。再播嘉穀之種。此言
之後。種植之方也。初開之地。土塊鹵莽。草種
未盡。是謂半熟。宜先種葉多濃厚之物。如稂
秫。脂麻。莞豆。綠豆。大小諸豆之類。漫種勿鋤。
使蔭翳遮蔽地面。草芽難生。待其根株朽壞。
土氣柔和。方爲全熟。始可種麥粟嘉美之穀。
自然鬯茂繁實。無有不成。若當半熟。遽布穀

種葉少而薄不能遮護地面必令雜草叢生則嘉穀不勝野草仍歸荒蕪矣身家

謀久富務廣拓乎土田產業計寬饒勿憚勞

於開墾

此又叮嚀開墾之要也產業即土田寬饒猶廣拓也民之依田如木之依

土土厚根深方能繁盛久耐故人有身家皆欲久富然必廣拓土田使根本深固自然利垂後嗣但土田不易廣拓必先急時開墾凡山澤原隰之處不使有尺寸壙隙庶幾產業寬饒而久富無難矣蓋開墾荒田其利有二上為朝廷供賦稅下為自己立身家且初墾之地收穫數倍於常田往往有因開墾而驟富者故諺云坐賈行商不如開荒言其獲利之多也墾荒耕墾之理既明布種之道宜知可輕乎哉

上備言耕墾之方。是旣明其理也。則布種之道。乃可進講矣。布種必先識

時。得時則禾益。失時則禾損。禾。嘉穀之總名也。種有定時。不

可不識。及時而布。過時而止。是謂得時。若未至而先之。旣往而追之。當其時而緩之。皆謂

失時。而禾之損益。卽於是別焉。卽如麥得其

時。長稠強莖。薄翼。鰖色。麥失其時。肘腫多病。

苗弱。莖穗。粟得其時。長稠大穗。圓粒。薄糠。粟

失其時。深芒小莖。多秕。青蘆。稻得其時。莖肥

長稠。穗大粒蕃。稻失其時。纖莖不滋。厚糠多

死之類。損益各有不同。惟合時之禾。收豐而

性尤良。能使人耳目聰明。四肢變強。凶氣不

入。身無病殃。其益自爲無窮。然三道五帶之

內。時各不同。當各隨方土。因日道之進退。而

損益其布種之時。勢難備載。其各省日出地

平。併四時八節七十二侯之圖。擇種尤謹。謀
詳。列於後農務門中。一考。卽知。擇種尤謹。謀
始。母強則子良。母弱則子病。母猶種也。入地
爲子。強。堅實也。布種固必識時。然子皆本母
擇種不慎。貽誤歲計。亦非淺鮮。故凡欲收擇
佳種者。必宜別種一地。不可瘠。亦不可過肥。
務上底糞多。爲耘耔。按期澆灌成熟之時。麥
則擇純色良穗。子粒堅實者。連秸作束。立暴
極乾。採取精粹之顆粒。揚去輕秕。收藏竹筥
中。上用麥糠密蓋。稻粟則擇純色良穗。截取
日中暴極乾。連穗收懸。勿令濕鬱鬱。則不生
卽生亦尋死。蓋種取佳穗。穗取佳粒。收藏又
自得法。是母氣旣強。入地秀而且實。其子必
無不良也。若濫用閒雜輕秕之種。必有三患。
禾苗早晚不均。熟侯不一。則有輕秕脫落之

患碾磨有難易。則有生粒破碎之患。炊爨生
熟不一。則有太過不及之患。是其母氣既雜
子自無不病也。布種者尚慎擇之哉。未種置於高燥。臨種沃以
肥汁。沃猶淘也。上言擇種之方。此言收種之
要。蓋種既精擇。自然不同他粒。當未種
之時。必置高燥之處。不可令其親土。親土則
生氣漸發。一經布種。衰微不振。至於臨種之
時。又必沃淘其種。如周官草人所掌土化之
法。相物地之宜。而糞其種。凡駢剛用牛。赤緹
用羊。墳壤用麋。湯澤用鹿。鹹澠用貍。勃壤用
狐。埴壚用豕。疆藥用蕒。輕爨用犬之類。相土
之色。煮取相宜之骨汁。先沃其種。然後布之。
如無諸骨煮汁。必預收十二月五九內之雪。
化水以沃之。雪內含土膏精英之氣。沃淘諸
種。皆肥而耐旱。不生諸蟲。又粟稻黍稷等類。

或用馬骨煮汁沃之。野舂等蟲亦必不生。皆收種之要業農者不可不知也。稻種

芽生而後下。苗尺而後栽。秧水相稱時防枯

淫之害。

此下始言布種之宜也。稻名不一。其類大概有三。早熟而緊細者曰秈。晚

熟而香潤者曰梗。早晚適中而黏者曰糯。三者布種同時。俟清明節。即將前擇精粹佳種

貯以竹籠。浸淺水中。三日取出。暴曬。日以溫水沃三次。候芽白齊出。然後下種。更須先擇

美田。耕治成熟。泥沃水清。乃以既芽之稻。漫撒其上。稀稠合宜。至秧生七八寸。或及一尺

值小滿。芒種之間。方行分植。而秧水尤期相稱。苗甲始能鬯茂。蓋秧過高於水。則有枯萎

之患。水過深於秧。則有浸淫之害。二者皆不發育。故必相稱以防之也。早種定

數而後播。重勞而後碾。根土相着。自無風燥

之憂。

旱種甚廣。凡山原隰澤之地。麥粟麻菽之類。皆是也。播即布也。旱種有漫種。樓

種。區種。點種。四法。漫種宜定其步數。謂先按畝計種。以斗盛之。挾左腋間。右手酌取而撒之。隨撒隨行。約行三步許。即再酌取。每撒約寬一步。務要均勻。其先犁後撒者。為浮撒。苗生有行。先撒後犁者。為底撒。苗生無行。樓種宜定其手數。樓下有足。小犁上有斗。亦按畝計種。納於斗內。斗底有三孔。前駕一牛耕之。耕行遲緩。手搖樓柄。以應牛之行數。牛行一步。三行俱下。後隨砵車碾其壟溝。用力甚易。種粟穀。循行去莠。功省效倍。區種者。作區種之點種者。用鋤角啓土。寸餘種之。即今下豆菽之法也。二者亦必按地計種。酌定其數。

苗生亦可分布。然惟漫耬二法。人所常用。其
既種之後。尤必縱橫重勞。土塊已碎。再用石
碾碾之。務使細密堅實。根土相着。經雨必宜
發生自易。尚何有風燥之憂乎。

礮破難出。更用犁翻。

此下言種後之事也。布種甫畢。即經大雨。地皮

必堅。苗出非易。故必以礮破之。礮。石器。狀類
礮而身有石刺。以攻其堅也。既以礮破。麥粟
之類。無不發生。至於大頭之物。如諸豆蕎麥
之類。種後三日。頭大難出。必更用犁翻。使土
氣虛鬆。勾萌必達矣。種植得宜。既暢一元之氣。栽蒔合

法。倍加二土之精。

得宜之種。依於水土。交於風日。陰陽合和。則本種一

元之氣。伸發舒布。既已暢遂。而生苗。若再合
法栽蒔。別土。除舊即新。二土之氣。交併一苗。

是加一倍之精華也。其法詳見下文。而始宜預耕熟田。飽上底糞。待禾苗已長。卽爲栽蒔。頻加灌溉。無論麥粟蔬菜皆然。生氣積盛。異於初種。是人有加倍之功。地有加倍之力。成熟之日。亦必有根株。惟令自適。苗盛而所獲加倍之收矣。

必多。此下詳言移栽之道也。凡栽禾蔬等物。宜預將根鬚整順。然後掘作小區。擇五六寸長者。下栽。土實水灌。令其自適。若安故土。自然苗甲壯盛。其類雖同。尋常其收穫必有大異。試觀蒿苣荳蔻菜。狀逆終致無成。諸物則知移栽之爲貴矣。

苗衰而所獲亦少。移栽之時。細根受其損。戕大根受其拳逆。不得自適。而苗甲必衰。成熟難望。收穫尚有幾乎。

燥濕從乎本性。物性各有所宜。

有宜燥栽者。如麥苗。小藍蒿。莖。韭菜。瓜苗之類。皆宜先栽。後澆。若水中栽者。卽不發旺。有宜水中栽者。如稻秧。粟苗。茄苗之類。隨水栽之。栽後次日再澆。間日又澆。三日方能生根。若先栽後澆。亦不發旺。物性不同。自當從而無違也。疏密順其元情。猶稀密。猶稠也。元情。元稟之情。猶言生性也。物之元情。有宜疏者。有宜密者。反情則薄收。栽之者。不可不順其情也。卽如稻秧五六成叢。相去必七八寸。麥苗十數成叢。相去必四寸。粟苗二三成叢。相去三寸。小藍五六成叢。相去一尺。茄苗單栽。相去二尺。瓜苗三秧一區。相去四尺之類。以及凡可移栽之物。皆縱橫當順其元情。以爲疏密。自有倍收之功。縱橫成行。自便耘耔之功。耘去草也。耔壅根也。移栽之時。或疏或密。必使

縱橫皆能成行。則去草壅根。自便於為功矣。高下相均。務通風日。

之氣。栽時必擇高下相均者。分布之。毋使有參差不齊之弊。則下無短葉壅蔽風日。

之氣而生。布種之道。既明。耘鋤之功。莫緩。助機愈暢矣。

也。去草以助苗也。上備言布種之道。以示謀始之要。而稼功之成。更賴耘鋤。若緩而不治。

則田苗荒蕪。土不虛活。收穫必薄。而子粒亦不堪充食矣。防嘉禾之害。薙

其非類。此下言耘鋤之功也。薙除也。嘉禾為生民之命。必深加愛護。凡有非類之

物。盡薙而除之。以厚其力而純其性。然後擾害去。而生機暢矣。慎蕪莠之長。

剪於初萌。蕪莠皆害禾之惡草也。萌芽也。蓋耘鋤之道。貴謹其始。當萌芽初發。

卽加剪除生氣不分長養有資用力少而成
功多過於去蔓延者遠甚若已萌不去聽其
滋長不惟將來蔓延難圖亦已奪地之生氣
卽能大加耘鋤穀收早減分數矣防嘉禾者
可不知慎
耘有水陸之分器有土物之宜
謂水
稻田陸謂山原隰澤之田也器謂如耘爪耘
盜稻鑿及錢鏰擣耨樓鋤鎗鋤鏟子之類土
謂方土不同物謂穀蔬各異也蓋耘苗必分
水陸耘稻者先以手指套鐵耘爪不問草之
有無必徧排漉務令根傍潔淨名曰搗稻仍
將所耘之草併荑稗之類和泥掘漉深埋根
下使其腐壞更能肥田後用耘盪推盪禾壠
間使草泥平淨數日草芽復生又用稻鑿細
掘一遍如此三過三盪三掘田必精熟稻自
倍收如有暇功愈耘愈佳否則亦必以上法

爲限。不可少減也。陸田之耘。詳見下文。而諸器亦圖列於後農務門中。惟是方土物性。各有所宜。善耘者。相其宜以用其器。而勤其功。斯諸種無不收也。布種務欲其稠。立苗又欲其疎。布種稠。則無隙地而不枉。均而盡。獲堅壯之利。若布種一稀。再經損傷。卽成白地。雖鋤功屢施。究無所益。立苗一稠。冗細夾雜。徒多糠粃。亦何鋤分四序。先知淺以爲美。田而足歲計乎。

深之法。此下皆言耘陸之方也。四序者。謂初次破荒。二次撥苗。三次籽壅。四次復鋤其籽壅也。破荒者。苗生寸餘。先用粗鋤。不使荒蕪。若苗高草長。則爲荒蕪。卽鋤亦萎而不振。所收必歉。二次撥苗。其功稍密。將初次所畱多苗。勻布成行。惟畱單株。三次籽壅。將

所鋤起之土。壅培禾根之下。防其傾倒。四次復鋤。耨壅。使其堅勁。四次功畢。無力則止。如有餘力。愈鋤愈佳。而入地又各有淺深之法。一次破皮。二次漸深。三次更深。四次又淺。同於二次。按其序。遵其法。地有餘豁。更加補綴。耘鋤之道。思過半矣。

之功

綴續也。凡種貴均勻。如有不齊。雖小苗亦不可輕去。若更有餘豁。必移栽補綴。

使成完美。不可有尺寸之壙。

鏟挑稠密。用於菜畦。

畦。菜區也。菜種

最稠。難用鋤。耘必以鐵作小耨。破荒蕪。施於鏟。細去其草。自不妨於正苗。

廣田

凡禾苗不鋤。則荒蕪無用。子粒亦不堪食。詩曰。無佃甫田。維莠騫騫。言貪多則

荒蕪不治也。故古者授田。一畝三畝。務期精工。而收穫自倍。是知廣田不可過貪也。然或

值大荒之後。草生遍野。人工缺少。宜造三及
樓犁。一驢前駕。一人牽引。則縱橫成行。以鋤
荒蕪。日可去草二十餘畝。又無碍於禾苗。其
功過耘鋤數十倍。此耘廣田之法也。圖詳農
務門。鋤頻。則浮根去。氣旺。則中根深。下達吸

乎地陰。上接濟於天陽。

禾賴中根以生。然浮根不去。則中根不深。

不能下吸地陰。上濟天陽。則子粒乾缺。所收自薄。故鋤不厭頻。頻則浮根去。中根自深。方能吸陰濟陽。氣旺而有收矣。強弱必詳去畱。苗生各有強弱。善鋤者必

去其弱而畱其強。然後正氣通風。不相為害。自速大而倍收也。風旱兼賴。耕壅。每歲之中。風旱無常。故經雨之後。必用鋤。啓土。耕壅禾根。遮護地陰。使濕不散耗。根

深本固。常得滋養。自然禾身堅勁。風旱皆有
所耐。是耔壅之功。兼有益於風旱也。若不壅
起皮土。一經風旱。附根而下。一樹肥。毋過稠
氣到底。陰虧而不能濟陽矣。

稠則多秕。樹礮毋過稀。稀則多枯。

樹猶種也。礮薄也。肥

地貴稀。若樹之過稠。蔭翳蔽根。陽不下達。易
成蕪穢。一經久雨。往往秕粒不實。礮地宜稠。
若樹之過稀。蔭翳不能護根。無以滋養。往往
生空頭。枯幹甚至枯死。是肥礮之間。稀稠之
宜。鋤苗者不宿根難去。掘於未種之先。蔓草
可不知也。

易生。揀於已鋤之後。

凡宿生之草。卽如毛根。

之類。皆根深難去。隨鋤隨生。務於未種之先。
細掘其根。揀置一處。然後種之。則無復宿根。

之害矣。至於難死易生之草。如馬齒莧之類。晒數十日。得雨沾土。即活。亦難除去。必隨鋤。隨揀。併有子之草。俱為遠擲。更無蔓草之患矣。此皆秦地之草。即一方可以推各方。皆當如法以去之也。耘苗者可忽乎哉。雨濕莫用耨。草復生而地

疆。日燥休停鋤。土肥緩而苗長。

此又言耘鋤之時也。雨濕

之際。最忌耨草。若或不知誤鋤。草則復生。地則疆硬。而苗究不發長。必俟雨後。晴明燥濕得宜。始用耘鋤之功。土則肥緩。苗則易長。自不至枉用其力也。自克享其繁

實。宜首重乎芟耘。

芟猶耘也。布種之後。頻施耘鋤之功。自然禾苗茂盛。

子粒蕃息。而克享其繁實之利。則芟耘之功。豈可不首重乎。蓋永生之者地。養之者天。而

成之者人。日進其功。所獲無窮。卽如荒蕪粟穀一斗。僅可得米三升。若耘三次。可得米六七升。若耘至五六次。更可得米八升。其所收之多寡。總視人力之勤惰而不爽也。既

知耕種栽鋤之理。更明稼穡消息之機。

種曰稼。歛

曰穡。消耗散也。息生長也。上旣備言耕種栽鋤之理。人固知所用力之要。然陰陽流行。機無停止。和則成體。盈則漸毀。稼則陽變而生。穡則陰化而成。故有稼必有穡。而皆宜不失其時。若失其時。則有消無息。而稼穡難成矣。是以更明稼穡消息之機。以見耕道之要。自具造化之妙也。蓋耕道者。民食之重寄。稼穡者。耕道之本末。

之

稼爲耕之本。穡爲耕之末。本重而末不得輕。本急而末不得緩。更必盡穡

之宜。乃爲不稼得其時。則無五賊寒熱之害。虛稼之功矣。

稼失其時。更有外侵零秕之憂。此言稼貴得時也。五賊食

禾之蟲也。一曰蠹食禾根。一曰螻食禾心。一曰蟥食禾葉。一曰蠋食禾節。一曰螟食禾心。一曰蠨亦食禾

身寒熱。謂五者之蟲。皆由雨濕日燥寒熱薰烝而生也。外侵零秕。如晒花霜殺。不得克實

之類是也。水陸之稼。各有定時。順其時以稼。自無五賊寒熱之患。卽如秦中種麥之期。必

過秋分。方爲合時。若早種者。一經日中熱雨。必生油脹。在於葉底。冬得大雪。則凍死。至春

無害。若冬月無雪。至春則生息大盛。麥苗盡枯。是失時之患也。若諸粟穀失時。不惟有蟲

害。更有晒花霜殺零秕之憂。秦中之稼。時宜如此。各地風土不同。自應各相其宜。以爲耕

稼之時。庶無失時之憂。也。法詳後農務門中。穡得其時。則氣充而

多脂。穡失其時。必氣洩而多滓。

此言穡貴得時也。脂膏也。

滓。渣也。禾方成時。生氣已足。速即收穫。則元精充滿。而多有膏脂。食之香美。能聰明耳目。堅強骨髓。耐饑而外邪不入。若既熟而不速收。則元精仍復消毀。真氣漸洩。而多有渣滓。食之無味。自不益人也。故凡諸穀。必當七八分成熟。結幹未至大黃之時。即為收穫。則元氣自然不散。若遲待盡熟。結幹枯槁。生氣已洩。子復脫落。漸次縮小。食必不美。即如秦中麥秋在芒種前後。必帶青黃。即收。則子粒堅實。槎青皮薄。麪多味美。苟至焦黃。頭低方收。則子粒輕虛。槎白皮厚。麪少無味。又如黍稷青色粒圓。即可收釀。則粒堅耐煮。氣味香美。

待至乾收。則不耐火而無味。又如稔穠。青白色收。則粒堅。釀造食之。味亦香美。待至乾收。則味澁。而不可入口。又如粟穀。早收。則耐煮。味美。而飯不黏。碗若經霜。草枯始收。則無味。黏碗。而不耐煮。至於諸豆。無不皆然。是收穫為耕道之急。而得時尤收穫之要。倘一失其宜。則有損無益。前功不且盡廢乎。故稼欲其熟。穡欲其速。必欲熟。而穡更欲速。方經理不當育嬰。收穫猶不虛乎稼穡之利。如冠至。凡耕種栽鋤。皆經理之事也。其勤墾收穫之際。尤必晝夜兼進。如有外冠猝至之象。蓋以禾既成熟。生機已足。遲緩則真氣復洩。前功枉用。更或久旱。經雨必致倒拽。或風雨摧殘。率多損折。或經冰雹。一過無遺。兼牲

畜踐踏盜賊偷竊皆有侵傷之害故耕耘有必急時致力收穫以成物之終也

櫛墉之積力作成盈寧之富

櫛理髮之器言其積之密也墉

垣墉言其積之高也盈滿也寧安也耕田耘苗一手一足之烈而其收穫自有櫛墉之積是盈寧之富必由於力作也蓋仰事俯畜惟在乘時盡利

而朝饔夕飧無過春稼秋穡

朝食曰饔夕食曰飧言上乘天

時下盡地利以竭春稼秋穡之力則仰事父母俯畜妻子朝饔夕飧之資盡出其中耕道

誠要矣哉夫穀食爲生而蔬果亦足以養命稼穡

既力而園圃安可以廢功

上備言稼穡之要此更言園圃之制

皆力耕者之所宜有也。蔬、菜、菰之總名也。有垣曰園。圃者種蔬果之處也。穀類甚繁。凡麥、粟、稻、豆、蔬果皆在其中。而每類又各分數十種。因舉其大數而名爲百穀。此所謂穀食。則專指麥、粟、稻、豆之類而言也。吾人本以穀食爲生。而蔬果之實亦每能助穀之不及。是亦足以養命也。故穀不熟曰饑。菜不熟曰饑。饑饑僅益至。民不聊生。亦可知蔬果之重矣。然穀食出於稼穡。而蔬果產於園圃。是以周禮任農以耕。任圃以樹。二者相須而益重。吾人既力乎稼穡。而園圃之棄圃力耕。徒失出園之功。安可坐廢不講乎。

樂分地作圃。倍獲謀生之資。

此言園圃之要也。耕田者終歲

勤勞。春不得避風塵。夏不得避暑熱。秋不得避雨濕。冬不得避寒凍。較他業最爲艱辛。正

宜各作一園。以爲遊息玩賞之所。願養天年。是爲田園之樂。若廢棄園圃。專務力耕。純勞苦而無休息。不且自失其樂乎。故必耕田之餘。分地作圃。玩賞遊息。既享其樂。而其中所產。菜蔬果桑之利。更可養生。是倍獲其資也。園圃之所關大矣哉。

園樹桑株

收蠶利而衣帛有出

此下言園圃之制也。園必有牆。牆內周圍。樹以

桑株。養蠶取絲。以爲一家衣帛之藪。此園圃之宜作者一也。

中構廬亭。備

花卉而遊賞自如

草也。自如。猶言自樂也。園中構造書舍。以休養其勤動。備栽花卉。以鼓

舞其天機。暇日棲息於此。或焚香揮琴。或者茗會友遊行賞玩。從容自如。願休和樂天年。何快如之。更有餘房。兼可收藏農器。以避風

兩其利於人者無窮此廣植雜果以繼夫稼

園圃之宜作者又一也植果各因其宜要必取其雜而不拘一種

穡期於廣而不欲寡少每歲之間春可賞花夏可息蔭果實既成則又可供口腹便貨易

補所不足以繼夫稼穡之功此園圃之宜作者又

一也下布菜蔬以佐其朝夕也聖王皆作名園

可治畦布菜蔬以佐朝夕之用此園圃之宜作者又一也垂示樂利之休士庶可無小圃甘受艱窘之

困此又叮嚀園圃之要也古昔聖王君臨天

下皆作名園養和毓德以垂示樂利於民

郎降而公卿大夫亦莫不然或以之供遊賞

或以之識稼穡園固無人不可有也況士庶

身處田間豈可無一小圃。爲桑蠶蔬果花卉之需。養高助道之資。而甘受艱窘之困乎。甚矣。園圃之不然。欲耕道克修。先明化土漸漬。可不作也。

之法。必使餘氣相培。實賴人功變理之妙。上

言耕種栽鋤收穫園圃之宜。此下言糞壤之法。以明地力可補。乃耕道之所重也。化土。化土之性也。漬。浸也。土有良薄肥磽剛柔之殊。所產亦有多寡堅虛美惡之別。使不能化磽爲肥。何以漬浸其苗。令之發榮滋長乎。故欲耕道克修。不可不先明化土漸漬之法。以蓄其糞壤也。糞壤之類甚多。要皆餘氣相培。卽如人食穀肉菜果。採其五行生氣。依類添補於身。所有不盡餘氣。化糞而出。沃之田間。漸漬禾苗。同類相求。仍培禾身。自能强大壯盛。

又如鳥獸牲畜之糞。及諸骨。蛤灰。毛羽。膚皮。蹄角等物。一切草木所釀。皆屬餘氣。相培滋養禾苗。又如日晒火薰之土。煎煉土之膏油。結爲肥濃之氣。亦能培禾長旺。然非人功。變和經理。亦安能化土而漸漬。產頻氣衰。生物乎。人可自餘其力而不竭哉。之性不遂。糞沃肥滋。大地之力常新。此言糞壤之要也。遂暢也。日陽晒地。膏油漸溢於土面。是謂土之生氣。故能發育萬物。若接年頻產。則膏油不繼。而生氣衰微。生物之性。自不能遂。惟沃以糞而滋其肥。斯膏油有助。而生氣復盛。萬物發育。地力常新矣。故糞壤雖屬瘠薄。常雜體。而功多培土。其益田者如此。無濟自然。間歲易畝。補助肯疊施。何妨一載。

數收瘠亦薄也補助謂糞壤能補助土力之
衰乏也地雖瘠薄常加糞沃皆可化爲
良田若無糞壤之濟則地力衰乏必至間歲
而易畝矣蓋古者分田之制上地家百畝歲
一耕是謂不易之田次則中地家二百畝歲
耕其半下地家三百畝歲耕百畝三歲一周
是皆謂間歲易畝之田以其地力衰乏不能
振起禾苗故也若夫勤農多積糞壤不憚疊
施補助一載之間即可數收而地力新壯究
不少減夫頻糞之利他方勿論愚家固常親
驗有三收者其法冬月預將白地一畝上油
渣一百五六十斤治熟春二月種大藍苗長
四五寸至四月間套栽小藍於其空中再上
油渣一百五六十斤五月挑去大藍又上油
渣一百五六十斤六月剪去小藍卽種粟穀
秋收之後犁治極熟不用上糞又種小麥次

年麥收。復栽小藍。小藍收。復種粟穀。粟穀收。仍復犁治。畱待春月。種大藍。是歲皆三收。地力益不衰乏。而獲利甚多。墾田莫若糞田。積糞耕者。可弗三復是言乎。糞勝如積金。此言糞壤之效也。凡人墾田廣。所得究亦不厚。莫如常糞其田。所產自多。故古者授田。一畝三畝。盡力盡法。類能倍收。無不豐盈。至於金銀爲用。乃便民交易衣食器。物之術。本饑不可食。寒不可衣。無關於立命之重。乃人多避勞就逸。角爭傾殘。究竟身心兩苦。日無寧刻。何如廣積糞壤。人既輕忽而不爭。田得膏潤而生息。變臭爲奇。化惡爲美。絲穀倍收。蔬果倍茂。衣食益足。俯仰兩盡。出作入息。安享昇平。豈不遠勝於釀造有十法。積金者。分外營求。徒多擾累乎。

之詳

此言造糞之法也。釀造糞壤。大法有卞

苗極肥。爲一等糞法。用灰土相合。盆熱方熟。培糞田無損。每畝可用一車。自成美田。若卽於便窖。用小便。盆熟。名爲金汁。合水灌田。亦可肥美。又或單用小便。盆臭澆田。亦可強盛。一曰牲畜糞。謂所畜牛馬之糞。法用夏秋場間所收糠穰碎柴。帶土掃積。每日均布。牛馬槽下。又每日再以乾土墊襯。數日一起。盆過打碎。卽可肥田。又勤農者於農隙之時。或推車或挑籠。於各處收取牛馬諸糞。盆過亦可肥田。又凡一切鳥獸之糞。及蠶沙等物。收積俱可肥田。一曰草糞。凡一切腐藁敗葉菜根。無子雜草。及大藍渣滓。盆田中鋤下。雜草俱不可棄。法用合土窖罨。凡有洗器濁水。米泔水。及每日所掃穢惡柴土。併投入其中。盆之月

餘一起。晒乾打碎。亦可肥田。凡春夏所長嫩
草。穫來剉碎。耕時撒於壟中。犁土掩蓋。亦可
肥田。一曰火糞。凡朽木腐材。及有子蔓草。法
用合土層疊堆架。引火燒之。冷定用碌碡碾
碎。盆一切柴草之灰。以糞水田最好。旱田亦
可用。又如匠土牆土。久受日火薰煉。膏油外
浮。亦可肥田。又水田稻穀已收。即將稻草焚
燒田中。亦可肥田。又硝土掃積。亦可肥田。一
曰泥糞。凡陰溝渠港。盆河底青泥。法用鐵杓
轉取。或以竹片夾取。置岸上。晒乾打碎。即可
肥田。一曰骨蛤灰糞。凡一切禽獸骨。及蹄角
盆蚌蛤諸物。法用火燒黃色。碾細篩過。糞冷
水稻秧。及水灌菜田。肥盛過於諸糞。一曰苗
糞。凡雜糞不繼。苗糞可代黑豆綠豆爲上。小
豆脂麻葫蘆芭次之。法用將地耕開。稠布諸
種。俟苗高七八寸。犁掩地中。即可肥田。一曰

渣糞。凡一切菜子脂麻棉子。取油成渣。法用碾細。最能肥田。一曰黑豆糞。法將黑豆磨碎置窖內。投以人溺。盪極臭。合土拌乾。糞田更勝於油渣。凡麥粟得豆糞。則幹勁不畏暴風。兼耐久。雨久旱如多。不能溺盪。磨碎亦可生用。一曰皮毛糞。凡一切鳥獸皮毛。及湯搏之水。法用同盪一處。再投韭菜一握。數日即腐。沃田極肥。若猪毛皮渣。罨稻根下。更得數歲長旺。以上十法。均農務之本。甚勿狃於故習而概棄其餘也。生熟有三宜。

之用。此言用糞之要也。生者。乃未盪之糞。栽植木果之外。俱不可用。菜蔬尤所最忌。惟熟糞無不可施。而實有時宜。土宜。物宜之分。時宜者。寒熱不同。各應其候。春宜人糞。牲畜糞。夏宜草糞。泥糞。苗糞。秋宜火糞。冬宜骨蛤皮毛糞之類。是也。土宜者。氣脉不一。美惡

不同。隨土用糞。如因病下藥。卽如陰濕之地。宜用火糞。黃壤宜用渣糞。沙土宜用草糞。泥糞。水田宜用皮毛蹄角及骨蛤糞。高燥之處。宜用猪糞之類。是也。相地歷驗。自無不宜。又有嫌鹵之地。不宜用糞。用則多成白暈。諸禾不生物。宜者。物性不齊。當隨其情。卽如稻田宜用骨蛤蹄角糞。皮毛糞。麥粟宜用黑豆糞。苗糞。菜蔬宜用人糞。油渣之類。是也。皆貴在因物驗試。各適其性。而收自信矣。夫糞土腐臭污穢。似無足貴。然施用得宜。能令民生有飽煖之樂。室家有盈寧之慶。豈不真勝於積金哉。

胎肥始培祖氣浮

沃徒長空葉

此分別糞壤之效。以見底糞之尤要也。胎猶胎孕之胎。祖氣卽胎元稟氣。乃物之始根也。用糞貴培其原。必於白地未種之先。早布糞壤。務令糞氣滋化。

和合土氣。是謂胎肥。然後下種生苗。胎元祖氣。自然盛強。而根深幹勁。子粒倍收。若薄田下種。胎元不肥。祖氣未培。雖沃浮糞。終長空葉。而無益於子粒也。蓋禾種入地。上生勾萌。下卽生一中根。是謂祖氣。有此中根。祖氣然後旁生浮根。身幹子粒。皆本祖氣。而浮根特滋枝葉。故底糞足。則胎元肥。胎元肥。則祖氣盛。祖氣盛。則身幹強。而子粒蕃。肉厚皮薄。而倍收。若但以浮糞沃其浮根。則葉稠皮厚。必無倍收之利。其胎元更有衰者。浮糞過沃。反不能勝其糞力。必致蒸燒敗損。而禾苗難生矣。故用糞者。誠不可不肥其胎元也。精

察施糞之方。深得化土之要矣。

通承上言施糞所以化土

既精察其方。自深得其要。而耕道之本立矣。

乃生成固賴於肥沃。

長養尤藉乎水澤。上備言耕種栽鋤收穫園圃糞壤之理。此下復言灌

溉之利。以終力耕之道也。禾苗生成。固賴糞壤肥沃。以厚其土力。而其長養之際。尤必藉

潤水澤。方能發育而滋榮。則雨雪本天工。愆

期則歲計無出。此下言灌溉之要也。天工即造化之工也。愆過也。禾苗資

雨雪以生。而陸田為尤急。苟諸務俱修。而雨

雪過期。必致禾苗枯槁。而前功盡棄。歲計將

何所。灌溉需人力。應時則地利無遺。糞壤沃

出。乎無不盡。然雨雪愆期。禾苗多枯。是尚有所

遺也。故灌溉之養。更需乎人力。必應時興舉。

以濟雨雪之所不及。地利始山泉川河築堰

能無遺。而豐稔可常致矣。

知不足齋叢書
卷之五
修業章

三

而置閘。

此下因地相水。備言灌溉之方也。堰長堤也。閘門閘也。山泉之水自高而

下務於發源高坡。相勢築堰。分引其水流入平田。以供灌溉之用。或山水暴漲。仍洩大水於正河。田中無損。不可在平河引灌。一經水發。恐遭湮沒之害。若川流平河。溝渠陂竭之間。必置門閘。以防啓閉。旱澇均獲其益。又如培堰之水。更置關欄。以便通洩。方無水患。倘無門閘關欄。偶值水淹下流。修圍而作櫃。圍漲發。亦遭湮沒矣。水淹下流。修圍而作櫃。築土作圍也。水淹下流之地。不時湮沒。妨於耕稼。宜度視地形。築土作堤。周環不斷。內容頃畝。或千畝。即可種植無虞。名曰圍田。櫃亦築土護田。似圍而小。俱置簷穴。以通出入。仍順布畛段。便於耕種。卽遇水荒。田制既小。堤高築堅。外水難入。內水車汲易涸。自無湮沒之

患依類制宜。則水澤皆無。翻車筒輪。用於深
棄地。而稼穡之利。無窮矣。翻車筒輪。用於深
河。翻車筒輪。皆河中之車。水催輪轉。運水於
高岸。而灌於田間者。其功固甚大也。有圖
詳後農務門中。桔槔。鶴飲。施於淺水。桔槔。俗呼幹杆。
務門中。圖詳農務門中。凡有淺水之處。宜用此二器。
以挈水灌田。或更用扇車。或又用戽斗。亦無
不宜。以上數者。皆兼平地井養而不窮。此下
水陸之灌溉而言也。平地井養。而不窮。專言
陸田之灌溉也。水利最多。惟井之養人。其功
無窮。蓋井養宜於平地。易成區畦。凡深至六
丈者。皆可引灌。其法深井俱宜。長開一梁。可
安轆轤。四五畝。日能灌地一畝。四五分。若淺
至三四丈者。可作水車。日可灌地二三畝。愈
淺。所灌愈多。或澆禾。或灌蔬。自能力致。常稔

勝於旱田
十倍也

高原積水而獲利

古人田有溝洫

灌漑。澇則洩去。可決而決。無水溢之患。可塞而塞。無旱乾之憂。今溝洫盡廢。高原無蓄水之利。一遇亢旱。輒多枯槁。必宜槌作大池沼。澇時改水流入。積為水庫。若值亢旱。用桔槔。鶴飲之類。取水灌田。接補一

二。

亦可成熟也。有圖詳後。

一

溪流雖大。勿作

浩漫之行。

此又總水陸而言之也。溪流者。卽堰渠之水。其勢雖大。不可作浩漫

之行。蓋地形有高底。受水有淺深。因而多有浸損之害。故宜作畦灌。漑受水均勻。自無浸

損之

害也。旱澆方益。宜防陰多之毀。

此下又專言陸田也。地貴

旱澆。自然陰陽相和。子粒繁實。而有益。若因水之餘剩。而頻澆之。則苗多空葉。子多糠粃。

陰盛而反毀也。可不防哉。蔬忌夏日午澆。螟蟥爲患。禾畏

深水受溼。腐心堪憂。

此下分別蔬禾之宜也。夏日地受日晒。當午大

熱。蔬性柔嫩。一經水迫。則濕熱相凝於土塊

之間。多生螟蟥之蟲。以食心葉。故諸蔬最忌

午澆。若至春秋地涼。自無妨矣。至於灌禾。更

畏深水。致水宿禾心。必至腐壞。灌溉者。又不

可不。禾久濕。青黃萎薺而不振。蔬頻灌。根葉

知也。肥脆而生香。

萎。枯薺落也。禾喜乾燥。異於諸蔬。若頻行澆灌。陰濕積久。則枝

葉青黃。枯萎落薺而不振。子粒何以倍收。若

夫蔬性甚喜潤濕。得水頻澆。則根葉肥脆。生

香自異。尋常矣。蓋豐亨本可力致。惟在灌溉之得時。

此通結灌溉之意也。一歲之中。天畀以時地。產以利人。如乘時力取。自然豐亨可致。而尤要者。更在灌溉之得時。蓋豐亨視乎物產。物產本於五行。然必常相培補。始能發榮滋長。故風動以培其天。日暄以培其火。糞壤以培其土。雨雪以培其水。但雨雪恒多。愆期惟應。時灌溉不懈其力。則不假天工。而五行均培。長養有資。豐亨尙何難哉。耕序苟能詳明。必且身家之常足。此總結力耕之道也。生人立命之原。財利之藪。惟在於耕。而推行自有其序。如上所云。耕墾栽種。耘鋤收穫。園圃糞壤。灌溉之次第。苟能一一詳明。自然善於耕稼。而出息倍收。身家常足矣。按耕道爲謀生重務。鐸師剴切指示。簡而能該。密而有要。初學誦此。循序力行。不惟享饒裕之樂。而衣豐食足。念

無旁營。明道立功。正易為九。且章內陸耕固
所甚重。而水耕亦未始忽。再參後農務門中
圖象法制之詳。耕道
雖大。可運於掌矣。

桑蠶一則

既明耕道以備食。更講織工而製衣。

此下言桑蠶之

務也。耕稼之道。上既詳言以備食。然有食無衣。人亦安能存活。夫食出於耕。衣出於織。則織紉之工。更不可不急講也。人生赤體。衣被寄於物身。物

產殊類。重大係乎桑蠶。

此下言衣被之原也。鳥獸之生。各具毛衣。

彩色。終身不易。人反生而赤體。以其衣被之寄。即在物身也。但物產之可為衣被者。其類

印林是岡

卷之五 修業章

七

各殊如皮毛麻苧棉葛波蘿等物皆堪製服
衣而重大之資實係桑蠶安可或忽乎

色隨時而變足徵人道之貴等威一望而別

良由衣冠之著

此申言桑蠶之重大也衣被之物其類雖廣然皆拘於一

隅可備一時之用而不能四時如意惟桑蠶絲綿之利製服染色無時不宜應期而變如意而用始知人道尊貴榮顯大異萬物且製衮冕作章服衣冠昭著法制燦陳等差威儀一望而別無非絲帛之功也其風雨暑寒固

蔽其體倫紀男女方美其觀

承上言體有所蔽固無風雨暑

寒之患而倫紀男女之間亦方得美其觀瞻以成人道之尊貴不然男女裸體反不如物

何以爲人乎。是以桑蠶雖列於耕後。衣被究居乎

食先。此下言衣食並重。以見桑蠶之不可緩也。蓋桑蠶雖後於耕。衣被究先乎食。豈

可急食而終日不再食則饑。一刻無所衣則

慚。勢並重而不可偏廢。時力作而自能兩全。

此申言衣居食先之意也。食固至急。衣更不緩。故食則日限以再。而衣則刻不可離。無衣

以被體。雖食能養命。亦不能自存。是勢本並重。豈可偏廢。然惟乘時力作。不怠其功。自然

兩全所資。而人道立矣。桑蠶不誠要哉。耕桑均立命之大計。蠶

織尤女工之本然。承上言立命大計。無過耕桑而蠶織重務。尤爲女工

本然所當亟時力作以助男耕自然
衣食兩足饑寒無患而人道成矣
蓋木各

有所宜之地惟桑無不可宜桑無不可宜之

土則蠶無不可事也此申言桑蠶之利為甚廣

如枝圓宜南柿棗宜北之類非一而足而惟

桑無地不相宜自然蠶無人不可事夫至於

人人事蠶則人皆經綸之手地故欲開衣帛

皆錦繡之資其利不亦廣哉
之利必豫明桑蠶之道也故必豫明其道然

後其利未蠶謀食宜知樹桑為首布桑欲廣
可開矣
更明子種易生此下先言樹桑之法也樹兼

栽種而言帛出於絲絲出於

蠶然必於未蠶之先。首事樹桑以謀蠶食。若樹桑不廣。則利終不普。而樹桑之道。如盤條壓枝諸法。皆難生活。惟子種一法。一生數百萬。易歲移栽。次年即可剪葉養蠶。甚爲簡易。欲廣桑利者。宜知所取法矣。

治地同菜畦。勿憚頻澆之勞。

此申言子種之方也。欲種桑者。先宜治地作畦。同於種菜之法。每畦長二丈。濶二尺五六寸。將土打磨極細。上底糞一層。無論牛羊猪糞皆可。務要盒熟。仍將畦耬平。俟小滿。樅熟時。截取中熟黑樅。入布袋內揉爛。清水淘去黑汁。漂去輕秕。餘淨子。以柴灰拌勻。然後用小鋤。每畦淺耬三行。將灰拌之子。勻撒畦內。再用耙子耬平。上復蓋細糞一二指厚。二三日一澆。勿令地皮乾白。十數日方出齊。出後仍宜二三日一澆。秋分後止。至冬月。長二三

尺高。即可移栽。暢茂。至於搭棚遮蔭。火燒諸法。多誤時日。皆不必用。而所需者。惟在頻澆之勞。尚勿憚之也。栽後至春月。再加科剪之功。此言

之要也。桑苗既高。即當移栽。其時冬月為上。移栽之後。更復長旺。至次年春月。始可用科剪之功。科剪為桑利要務。不可失時。法當於栽後次年春月。剪去樹身離地惟留一二尺。俟芽生。祇留二條。餘皆摘去。至來春三月。飼蠶時。又將此二條留尺許。仍復剪去。俟芽生。每條各留二芽。餘仍復剪去。其畱四條。每歲三月。飼蠶時。剪如上法。四條當畱八條。歲歲如此。畱條漸多。至冬月。又將旁出冗細小條。盡行剪去。惟畱正條。自然葉不繁多。精華相併。豐厚肥美。飼桑條鬯茂。勤用糞澆。此言糞蠶必能倍收也。

也。柔條肥嫩之條也。凡欲柔條鬯茂。採取肥葉。宜冬月糞沃。春月澆灌。每歲之間。葉自肥厚。然此乃栽後已成之桑。若高燥乏水者。亦不必強澆也。**沃葉倍收**。常施接換。此言接換之要也。葉厚肥曰沃。接換者。以彼樹之根。接換此樹之枝。乃倍添生氣之方也。沃葉之桑。原不多得。故欲倍收其利。自宜常施接換之功。蓋桑株有魯荆之分。荆桑枝勁葉小。魯桑枝柔葉厚。魯桑宜多。荆桑宜少。凡有花葉雞桑。及葉小子多者。皆荆之類。俱宜接換。則子少而葉生豐肥。卽所謂沃葉也。若魯桑再加接換。其葉更佳。且耐放。接換之功。誠爲重大。而其法有二。一曰揀接。春分時。桑條青眼發動爲的期。卽擇剪大葉肥厚之條。削槎如馬耳狀。又輕削外面粗皮。含口內。再將惡桑樹身離地五六寸。或高亦

可用刀剝成三角形。以小牛角簪啓開。將前
削成馬耳接頭。挿入三角皮內。卽以桑皮縛
緊。纏合。再用硬泥塗外。不可遽斫。上面枝稍
俟接頭芽活。次年方行斫去。惟畱接成美條
自然速長。一曰鑿接。宜於四月桑樞將紅時
擇美桑枝上葉間小眼。用刀剝開四圍長一
寸二三分。寬五六分。輕輕揭下。再於惡桑枝
上亦尋葉間小眼。以美眼相等。印成濕痕。依
痕剝斷兩頭。中間再剝一刀。輕輕揭開。卽將
美鑿合於其上。務要惡鑿中骨尖子。端對美
鑿中空竅。然後將惡鑿兩面樹皮合包美鑿
用紙裹。仍畱眼向外。紙上用樹皮縛緊。以大
葉苦蓋。再將枝上一切餘枝盡行斫去。不過
數日卽活。活後漸旺。葉自豐肥。倍收無難矣。
此一舉手之勞。豈可惜乎。桑成而蠶可漸養。葉多而絲可

厚獲矣

栽桑既成。方可養蠶。桑若漸盛。蠶亦漸廣。待至葉多之時。而絲利自可厚。

獲人若不身親樹桑。徒以口談養蠶之利。是欲為無米之炊也。有是理哉。然欲知

養蠶之要。宜先明擇種之法。

以上備言樹桑之要。此下始言

養蠶之法也。養蠶之法。首在擇種。如種穀然。子之盛衰。視乎母之強弱。倘繭薄蛾病。母氣已弱。雖能生子。來春所養。必不强盛。再兼生子不齊。收種不得其法。將來眠起上簇。俱見參差。為患更大。故必謹於謀始。如胎教然。開簇時。即擇近上向陽。堅實良繭。雌雄相間。而收雄者。緊細尖小。雌者。圓漫厚大。摘下單排。於通風涼房內。箔上。七日後。其蛾自生。凡有拳翅。禿眉。焦脚。赤肚。黑身。黑頭。及先一日出。金末後出者。俱揀出不用。惟用次日。金第三

日所出完全肥白。有毛好蛾。令其雌雄相配。自辰至酉。始爲拆開。厥氣乃全。生子自然氣足。欸欸摘去雄蛾。將雌蛾勻布於連。同日之蛾。下子爲一輩。連背各記時日。來年眠起自然易齊。連以布爲上。厚紙次之。俟一日一夜生子畢。摘去母蛾。將連懸於通風涼房內。連背相靠。勿使風磨損傷。更忌烟薰。日晒生子後十八日。用新汲水浸洗其連。去便溺毒氣。仍復懸起。至十二月初八日。再用新汲水浸洗一次。又懸起。至次年清明日。復用桃柳花葉並葦菜野草花。揉新汲水內浸洗一次。仍復懸起。俟至下蟻之時。始爲取下。此擇種之要法也。先明乎此。自易於三卧四卧別其類。飼養而絲利可廣收矣。

此下言蠶之種類也。蠶之種類甚多。如柘蠶。繭由蠶。蚊蠶。柵蠶。風蠶。水蠶之類。不可殫述。

而惟桑蠶之利為甚廣。但其類亦不一。有三
眠三起者。名為三卧。有四眠四起者。名為四
卧。四卧者。以六日為變。三眠者。以七日為變。
四卧之蠶。多宜南地。三卧之蠶。多宜北地。是
宜別其類也。一生數生。因其宜。閩廣地近三道。
而養之也。桑不彫落。其蠶一年數生。三月至
十月。能生八輩。別自有種。秦中地遠三道。氣
有寒熱。桑有榮枯。其蠶一年二生。有春蠶。熱
蠶之分。熱蠶亦別有種。是當因其宜而養之
也。下蟻定期。惟候桑如茶七量葉下蟻。莫令

蠶老乏食。

此言下蟻之法。養蠶之始事也。蠶始生曰蟻。下蟻之時。各地不同。然

有至要之法。無論風土寒熱。惟視桑葉如茶
七大。即為下蟻定期。此時可將蠶連取下。用

棉包裹多則厚包置於煖匠少則挾帶於身常得溫和之氣勿令大熱大熱則焦枯不生出矣若能依法覆煖俟至第三日黑蟻自然盡出宜將連同蟻稱見分兩卽如其得十兩遂將桑葉切細如髮勻撒蠶盤內紙上而以連蟻覆之少頃蟻聞葉香俱各下連食葉乃取空連再稱如稱九兩卽知下蟻一兩每蟻一錢老可一箔如有蟻一兩老可十箔每箔至老可食葉一百四五十觔故蠶以桑爲命下蟻之前卽宜先量自己葉有若干併槌盤若干人工若干務使葉餘食足方能有收不誤歲計萬不可過求貪多以致食有缺乏徒生怵迫之患而歲計更無所補

屋宇潔修立蠶

母以候涼煖

此言修蠶室立蠶母之道也屋宇蠶室也蠶母不拘男婦專司

飼蠶者是也。養蠶之始，宜先修蠶室一所。南北開窓，以便啓閉，以酌寒熱。以視眠起，更必潔爲修治，不可少有污穢。內再立一人爲蠶母，身著袂衣，以候涼煖，而進退其火。室中務要溫，和蠶母覺寒，則蠶亦寒，宜進火。蠶母覺熱，則蠶亦熱，宜退火。凡風雨晝夜，總須以身測度涼煖，出入火候，常使均平，不可乍寒乍熱，致生諸疾之患。絲利自然，倍收如蠶少者，卽於家中隨便飼養，亦可有成，但宜忌煎炒油氣，並一切穢惡之氣，不可有犯也。什物豫備，頻飼葉，以兼晝夜。此言備器飼葉之道也。什物，謂如槌箔、網、篩、簇、料之類。屋宇，旣修，什物又備。飼養自無所難。然蠶初生甚小，宜頻頻飼葉，勿使間斷。且宜細切，輕撒勻撥，更不可少有堆積，以致壓損。如此一日一夜之間，飼葉三五頓。

常相繼續至七日則自成眠矣。大法無巧食到便老。此復申言蠶食

之重也。蓋每蟻一錢至老可食葉一百四五
十觔。苟能依法頻飼無缺。比蠶多三眠三起。
不過二十七日而老。南蠶多四眠四起。不過
三十二日而老。若飼不按時。饑飽無常。必至
遲延過期。或月餘。或四五十日。明乎十體與
而後老。則葉愈費而絲愈少也。

三光自知簡要。此下詳言飼養之法也。十體者謂在連應寒。下蟻應煖。眠

起應饑。向食應飽。下子應密。布蠶應稀。睡臥
為眠。脫壳為起。臨眠上簇宜緊飼。初起宜慢
飼。是也。三光者。謂白光向食。青光厚飼。皮皺
為饑。黃光以漸住食。是也。明乎此理。自知簡
要之方。而蠶無難飼矣。悉夫三稀並五廣。可獲全功。猶

曉也。三稀者。謂下蟻稀。上箔稀。上簇稀。是也。
五廣者。謂一桑廣。二人廣。三星廣。四槌箔廣。
五簇廣。是也。悉夫此法。則飼
養盡善。必可獲其全功也。更詳察眠辨起

之方。投葉有差。

投。猶與也。蠶有眠起之候。食

一日夜脫壳復起之謂起。而必詳爲察辨。凡
蟻子初生。投葉宜細薄。三四日之間。投葉宜
漸厚。一日一夜。均宜飼四五頓。若至六七日。
乃將眠之時。投葉宜厚而緊。可飼五六頓。及
蠶盡眠。方停葉不飼。候一日一夜。脫壳復起。
身皺腹饑。亦不可早飼。飼早則傷。向後食葉
必慢。宜待盡起嘴老。卽遲一二日不妨。始可
投葉。初次一日一夜。惟可薄飼四頓。次日加
頓。厚投二眠。初起一日一夜。可薄飼三頓。次
日加頓。厚投三眠。初起一日一夜。可薄飼三

頓亦次日加頓厚投凡三眠初起頭頓甚薄但令覆白二頓厚於頭頓三頓厚於二頓以後但宜頻飼厚覆是因其眠起之節以爲投葉之差饑飽方不失時而蠶自無不盛矣

併知減飼加頓之法擇眠欲齊

此養蠶要中之尤要也蓋

蠶眠起不齊將來上簇亦不能齊不惟絲少收薄卽揀老蠶上簇之勞亦不勝其苦宜於三次眠時察其有先眠者有未眠而食葉者必遞減眠蠶之葉加頓薄飼盡眠乃止或更有一二分未眠者是卽病蠶將來不能作繭用網抬去不可再飼惟將已眠者連夜併力用手擇出稱見分兩每眠蠶一觔安放一盤盤內豫置香替香替者乃初眠二眠之沙葉晒乾豫收備用置盤內一二指厚圓可尺餘再將眠蠶厚放香替之上更以麥管或稻草

薄覆之室宜大煖。一日一夜自可同起。然後同時飼葉。自然上簇皆齊。人無勞苦。而絲可廣收矣。
時求八宜。曰防十忌。
八宜者。謂蠶初下。蟻宜暗。宜煖。蠶臨

眠宜暗。宜煖。起後宜明。蠶大宜涼。向食時。通風宜緊。飼新起時。畏風宜慢。飼薄飼是也。十忌者。謂蠶以氣化。香能散氣。臭能結氣。故忌香氣。恐其腐爛。忌臭氣。恐其縮殭。凡一切有氣息之物。皆不可近。秦地蠶室。又忌西南風。務須密閉門戶。忌敲擊門窗。槌箔及有聲之物。忌正熱。忽被猛風暴寒。忌蠶室內哭泣。叫喚。忌穢語淫詞。忌飼冷露濕葉。及乾葉。併有塵土之葉。忌沙燠。不除。忌高拋遠擲。惟求此八宜。防此十忌。得養蠶之要矣。
燠沙

頻除。勿使人鬱生病。

除沙已列十忌之中。此又特言之者。舉所重也。

燠。熱也。沙。蠶糞也。鬱。積也。蠶生諸病。多由燠沙。久鬱除之。宜頻。凡蠶一二眠時。食葉三日。蠶糞葉渣。所積已厚。宜覆以蠶網。網上撒葉。蠶聞葉香。自然上網。將網抬起。掃去下面燠沙。復安放於盤內。三日一次。更迭網除。如至大眠起後。更宜逐日易網。除沙不然。沙多必燠。燠久成鬱。鬱則濕熱交併。而諸病作矣。可不慎歟。簇料早收。毋致臨時失措。前言什物豫備。簇料已在其中。此又特言之者。亦舉所重也。簇。繭山也。飼蠶既老。自然上簇作繭。而其料宜早為收貯。印如麥楷地膚子之類。皆可簇蠶。總不若稻草之善。宜於暇日造作。其法先將鐵齒耙子仰放。梳去稻草冗葉。截一尺二三寸長。每束約五六十根。縛其中身。擰如傘狀。用時立於箔上。每束置蠶一捧。即可作繭。若不早為收

貯。一經臨時必致
失措。可不急歟。

防蚊蠅之害門覆簾簾

薦草

薦用同於簾。皆蔽門之具也。蠶室務要周密。
門覆簾薦。大眠後時防蚊蠅入內。蓋蚊則叮
傷蠶膚。蠅則生蛆蠶身。成繭後穴繭而出。不
堪縲絲。一年生計所關甚重。豈可壞於微蟲
乎。
調寒熱之宜時酌火器。
前言蠶母身候涼
煖火器已在其中。
此又特言者。見絲成惟在一火之功。亦明所
重之意也。蠶室之中。寒則進火。熱則退火。不
拘早晚。務調其宜。此常道也。大眠之後。天道
漸熱。又值晴明。蠶室覺有熱氣。即宜大開窓
門。以通其風。甚則更洒凉水於箔下。及蠶老
又宜溫煖。如人老多不耐寒。然其大要總在
時酌火器。使寒熱合
宜。常覺溫而已。
功至三九日。蠶老身明

而當簇。

此言三卧之蠶。以爲例也。三卧之蠶。三眠三起。二十七日而老。老則身軟。

明亮。不食葉而遊走。此上簇之候也。急宜撥。

於簇上。使其作繭。至於四卧之蠶。四眠四起。

三十二日而老。其上簇之驗。亦同於三卧。養蠶至此。功將成矣。

棚高三尺八

炭火炙箔而頻移。

蠶將上簇時。先搭簇棚。用竹竿橫繫懸起。高三尺八

寸。上覆葦箔。箔上排前收稻草簇料。每束置

蠶一捧。旋排旋置。蠶完爲度。箔下四圍用毡

席。或草薦之類。遮蔽。以便用火。每棚一間。約

用火四五盆。總以天氣寒熱爲加減。務使火

炙箔緩。則絲出津乾。線時頭利而不黏。更令

人在棚下。頻移火盆。不可常在一處。防偏枯

之患。兩日兩夜。其功自畢。然後大開門。

窓。撤去圍幔。以通風氣。而繭可摘矣。

四日

摘繭宜除外繞蒙毯。

此言摘繭之方也。外繞蒙毯乃初營之亂絲也。

摘繭約以四日為限。南方地熱。或三日即摘。北方地寒。或五日始摘。亦無不可。仍將已摘下之繭。急宜擇去外繞蒙毯。亦可作線。作綿。擇淨放於通風涼房箔上。方可徐用繰功。若不速擇。則繭蛹發熱。六日繰絲。更酌天時。繭必致烝損。難繰矣。

質。

此下言繰絲之方也。南方地熱。放一二日。即可繰。北方地寒。必五六日。乃可繰。而云

六日者。以北為例也。然天時有寒熱之殊。熱則早繰。寒則遲繰。繭質有老嫩之別。老則早繰。嫩則一經熱湯。絲頭亂出而不利。必再放一二日。使繭老。絲利。然後可繰。是更當酌乎其宜。不可以一法拘也。再或繭多。繰有不及。七日後。則蛾出而不可復繰。宜用大篩子一

具內盛繭厚寸許。上覆椿葉一個。置湯鍋上。以布單苫蓋。炆至椿葉色變爲度。取出薄攤。晾於箔上。緩繰自無妨矣。此繰有水火二法。養蠶之終事。甚勿憚其勞也。

之妙。絲有紗羅綾緞之別。

繰絲本人工。而其所以成絲之妙。非

人所能知也。其水絲之法。一人先將繭子一捧。下湯鍋內。以筯撥攪。盪取絲頭。俟其盡出。遂以筯挑起。以手提住。截去亂頭。用漏瓢沓起繭子。送入涼水盆內。將清頭挂於盆邊。絲老翁上。此時繰人取絲。老翁上清頭約十餘根。爲一綸。穿絲車下錢眼中。扯起絲經。從前面搭過絲車輓軸。掬交一迴。挂於搖絲竿鈎中。拴在軒上。或二行。或三行。以腳踏動軒軸。輪轉上絲。時以目審視綸盤。如絲細綸小。卽以左手指分清頭四五根。右手從外分開絲。

綸一。提絲頭自然夾帶而上。頻上頻添。毫無
接續之痕。是謂水絲。火線之法。即在湯鍋內
提起清頭上。軒其踏。軒添頭。亦同水線。是謂
火絲。軒下均用微火烘。其水氣卸下。仍挂於
通風處。俟乾乃可收藏。但水絲光潤明亮。佳
於火絲。而其中亦自有別。大抵極細者可為
緞。為綾。次細者可為紗。為羅。為紬。貴圓緊而
相其宜而用之。則諸帛俱備矣。

勻細忌粗惡與接頭。

此又申言縲絲之要也。絲莫貴於圓緊勻細。而

其法總在添頭時。務要眼疾手快。綸小即添
綸大即減。多少不過二三根。更宜在綸盤內
夾帶絲頭。自然圓緊勻細。若或過多過少。又
復從外黏貼。即成粗惡接頭。而絲不堪用矣。
絲成而織紐可講。此下言織紐之宜也。紐經

縷也。養蠶獲效。若織紐不

講終屬無衣織

組可緩乎哉

機備而衣帛有出

機織紙之具也機制

甚多大約有經有緯有紡有絡有提花之巧然必備其具而後衣帛有出以之彰身美觀

自見人道之貴矣其法式之詳並圖列農務門中

一歲利益不過三

九之功。遍體文綺實惟七日之勞。

此復由織

被有出之後申言養蠶之利不可憚勞也文彩也綺綾緞之名也養蠶獲絲是一歲之利

益不出二十七日之內而其甚要加功惟在大眠之後七日之勞足歲計者焉可畏難乎

桑蠶既明更廣類於棉麻葛苧風土異宜須

相地而製造經營

此又推廣桑蠶之類也苧麻之屬亦能作線者也桑

蠶之道既明。衣被自無不豐。或恐不繼。更當
推廣其類。卽如棉麻葛苧。皆可爲衣。甚至獸
毳鳥羽。波羅草葛。亦可製服。但風土各異。欲
廣收衣被之利。必各相其宜。而製造經營。其
利自欲詳織道大全。再參農務門中。織道多
端。此不
過舉其大要。至於樹桑養蠶。繰紡織紉。及棉
麻葛苧一切。可作衣被者。造作各有至詳之
法式。俱圖註後農務門中。再
加參考。織道之大。全可明矣。

農則樹藝一條

既知耕桑之道。更明樹藝之方。

此下言樹藝之方也。樹藝

皆栽植之名也。耕桑之道。上旣詳言。衣食均
有所出。然樹藝不講。則宮室器具之需。果蔬

花藥之用亦何能皆備乎是夫材木者民事

之助樹藝者生材之原此下統論其大要也

而亦不能不資乎材木故材木為民事之助

而材木之出必賴於樹藝則樹藝不又為生

材之原乎樹藝蓋可忽乎哉

宮室器具賴以成果蔬花藥

因以生此言樹藝之所關也宮室所以藏身

成也固皆賴乎樹藝之功至於果蔬花藥本

出於耕然苟經栽植倍加長旺是亦資乎樹

藝而後風土各有攸殊大法貴相厥宜攸厥

生也皆助

語辭風土已解見耕條內日行三道地分五

帶其風土各有所殊而所產之物亦異即如

荔龍波羅。不能踰嶺。橘柚橙柑。僅在淮地。梔
子瑞香。產於川漢。茉莉桂花。盛於湖襄。以及
晉之大棗。秦之柿栗。燕之櫨果。各甲於天下
之類。不一而足。惟貴相土制宜。以收樹藝之
利。方為大法。若執拗不通。見聞有碍。強風土
之所不宜。而概為樹藝。無異膠柱鼓瑟。按圖
索驥。先明物性之至理。斯有觸類之深識。此
矣。

言植物之理也。風土雖各有宜。而物性皆具
至理。苟能先明自然。觸類旁通。識見深遠。樹
藝之方。不難知矣。蓋植物具倒生之形。故生性賦無

覺之體。生有定曰植物。頭向地曰倒生。人物
之形。皆本五行而生。各不相同。人首
向天。是謂順生。上陽下陰。渾具天地之體。中
又宰以靈明之性。故獨異於萬物。鳥獸橫生。

能通陰陽之氣。故有知覺。惟草木倒生。陰多陽少。故植而無覺。而其長養之盛衰。全視地力之肥磽。非以陰多質重之故乎。頭根向下。吸乎地陰。枝梢

向上。接乎天陽。天陽攝其頭根。地陰滋其枝

梢。上下對待。根梢並長。此申言倒生無覺之理也。上統下曰攝。下

養上曰滋。草木依土倒生。故天陽攝於上而貫於下。地陰滋於下而達於上。陰陽互濟於

上下。而頭根枝梢一時並長。實有對待之勢矣。是以穀果含天地之

象。幹枝似手足之狀。承上陽攝陰滋而言。以切指其實也。蓋上攝者

包於外而為皮殼。下滋者凝於內而為肉核。故穀粒果實皆含天地之象。至於一切草木

枝梢分布似人手足。而頭根無不向下。實具
倒生之形。故曰陽攝陰滋。上下對待。而根梢
並長。離土移栽。二氣剝換。此下申明樹藝之
宜也。一切草木。經
栽愈茂。蓋移栽之妙。剝舊而換新。二土之
氣。交併一株。自然生氣盛而易於長旺也。或
根多枝少。陽不足以攝。則多枯萎。或枝多根
少。陰不足以滋。則多阻遏。阻遏。生氣不升也。
草木既以根吸地
陰。枝接天陽。則本身之陰陽。必以根枝之多
少為盛衰。若栽植之時。根多枝少。則上無招
攝之力。而下陰不能上達。其枝梢恒多枯萎
而死。枝多根少。則下無滋養之力。而上陽不
能下貫其頭根。亦多阻遏而死。栽
植者。誠不可不先量其根枝也。詳加裁成。

務使均平。

承上言多少不均平則生氣不盛故栽植之時視其根少枝多者剪

去繁枝。根多枝少者亦宜少剪旁根。是謂裁成之道。使根枝各得均平也。蓋木依地陰以生。枝多於根實難發育。根多於枝尚可生。活然亦不可太多。反有阻遏生氣之弊耳。栽

木須記南向掘根最畏西風。

此言栽植之要也。居北道外者

凡木皆南向。受日陽之照。習久氣化。栽時若或反向。則陰面不耐烈日。一遇炎夏。西南多朽。故必記號南向。使無錯誤。自然易茂。又秦地西風多燥。樹根一經西風。則津液耗竭而難生。故掘時最畏西風。或以物遮蔽。亦可無妨。其各方風氣。原各不同。酌量避忌。始以秦地為例。種貴適宜。栽亦趨時。此言種栽均不可也。可失時也。每歲

日陽一周。種與栽各有相宜之時。卽如桃杏
宜五六月連肉種。桑宜小滿後種。榆宜春三
月種。椿槐春秋皆可種之類。又如棗梨白果
海棠。皆宜根分。春秋冬皆可移栽之類。各乘
其時而經營之。
其利自興矣。

春栽切忌葉生。秋栽務令葉

落。上僉言種栽。此專言栽者。種屬耕道栽。乃
樹藝之實也。栽植之時。均以春秋爲限。但
春栽宜早。遲則葉生。內氣已洩。秋栽宜遲。須
候葉落。生氣始斂。二者強栽。均難生活。卽活
亦不發旺。栽植者。不
可不酌其遲早也。

區寬則根鬚易順。幹深

則風氣難搖。水滿則泥附於根土。故則物安

其性。

此下詳言栽種之法也。方栽之時。掘區
宜寬而深。安置樹根于中。以水酌滿。就

水區內提掇三五次。根鬚皆順。無有窩拳。然後徐徐投土成泥。使泥附樹根。且所投仍用故土。不可遽易其新。使地氣不和。如此則下之根鬚既順。發生自易。而上之體幹深埋。風搖亦難。兼泥附樹根。更無虛空穴死之弊。土不驟易。又有性適情安之美。發榮滋長。理必也。然築密。則風氣不入。面覆。則水澤不出。此下

後之要務也。既栽之後。俟泥土稍乾。即宜周圍密築。面上更覆散土。自然土不乾裂。風不穿而入。澤不耗而出。善後者更莫妙於此矣。勤加愛護。宜防童折。

畜咽。凡新栽之樹。必勤加愛護。樹身宜縛以棘刺。方不為童折。畜咽若在園外者。尤不可不。加意也。勿求速生。謹戒動搖。剝搯。栽後再不。可動搖。試

其虛實動搖。使土木之氣相離而不屬。亦不可剝。指驗其生活。使生長之氣殘洩而不旺。

冬時沃糞以培本。

沃糞宜在冬時。培補元本。則根煖而易茂。若值春夏。

則糞氣盒損嫩根。多生蠹蟲而枯敗矣。

秋月頻澆以潤燥。

栽後宜常

澆灌。若值秋月。其風多燥。樹木至此。更不耐旱。故愈宜頻澆以潤之。

依法自全。

水性大樹亦可獲生。

此統承栽植之法而言也。蓋能依上法以栽植。

自能全乎水性而不失。雖有極大之樹。亦無不生矣。

若夫栽栽有法。亦

宜詳求其理。

上統言栽植之方。此下言栽栽之理也。栽剪也。栽栽。謂剪去木

之根梢。止栽其身幹。如栽柳椿。挿桑條之類。是也。栽栽亦有理法。苟不詳為推求。何以能

所栽皆體本植產。依陰土而寄生。木體定植。活乎。必有所附。

故依乎陰土。即無根梢。亦可寄生。木向春榮。得陽和而伸性。

日行黃道。進熱退寒。而草木因之。為榮枯。故秋冬日道南行。陽和不足。木葉彫零。生氣內斂。至春月日道漸北。陽和漸盛。生氣亦漸發。凡木值此。皆有向榮之象。蓋既得陽和。其性始伸。方為栽時。必定于春分。活實資乎土力。

春分陽和漸盛。生機漸發。一經栽栽。真氣內溢。與土膏相結。資生根株。自然易活而發枝。通上四語。皆言上忌帶梢。下貫橫木。此下方言栽栽之理也。

之法也。上無枝梢。則風氣難搖。下有橫木。則堅固難拔。土木自不離。而生性植矣。深

栽尤宜堅築

深栽則地陰濃厚。固易結根。尤宜堅以築之。務使土木相着。發

生愈無難矣。

頻澆更勿動搖

頻澆則木得所養。津液不枯。然木依土生。

靜則二氣相聯。動則二氣相離。况栽栽之木。更非常植可比。必不可少有動搖。致生木土相離之患。諺曰。千人栽木。一人搖。千人之功盡廢耗。蓋言動搖之爲害也。可不慎歟。輕

木不畏炎日。堅木須造棚蔭。

此亦栽栽善後之法也。輕虛之

木。如蠟柳。冬瓜木之類。皆不畏炎日。無容遮蔽。若堅實之木。不耐日晒。時值暑熱。必宜搭

棚遮蔭。方能遂其生性也。

至於壓分。均所當知。

上言栽栽之要。此下

言壓分之宜也。壓分者。謂將樹枝攀下。以土壓定。候至根生。然後分栽也。凡樹栽栽難活。

者俱宜爲壓分。又壓覆應用燥土。鈎丁宜深。安可不知其法乎。

析分各依定時。早移不生。壓覆之法。先於地

道後。將樹上旁枝攀下。按渠內。勿令泛起。以燥土覆壓實築。若用濕土。則皮膚爛而難生。至於析分之期。必宜依其物性之定時。不可故違。卽如桑條壓者。一年可分。繡球櫨果之類壓者。二年後方可分。又如葡萄黃楊月季花之類壓者。一月卽能生根。自可析分。然亦有三五載後方可移者。大抵析分皆不欲早。早則洩其真氣。又難活也。桑果以

接博爲佳。花木以更換爲奇。以彼加此。變惡

爲美。上言壓分之宜。此下復言接換之功也。博。猶易也。桑果花木。種各不同。而美惡

亦異一經接換。以彼之屬。加此之身。變惡爲美。桑果則肥大甘腴。花木則艷麗光媚。其美固各添一倍也。蓋二氣交併一身。積之既盛。發之自茂。接換之功。理宜如此。接必

順時。根株各從其類。

物之生長有時。則接博亦當順其時。蓋凡插接

劈接。宜在春分前後。樹眼退青之時。屬接。渡接。宜在四月小滿前後。惟桑六月三伏。尙可屬接。此皆一定之時。宜順而不宜違也。然亦必視其根株之津氣。果能相合。乃可接博。卽如白果接欖果。海棠接檳子。辛夷接玉蘭。木筆接繡球。小桃接大桃。杜梨接大梨。構接桑之類。固皆美惡相類之物。自然津氣相合。接之無不洽也。換以四法。性情務適其宜。

四法。卽上所註。插接。劈接。屬接。渡接。四法也。物之性情。各有所宜。因

其宜而施其法。不越此四者。而接苞木。盆屬換之功神矣。其詳列農務門中。

要需栽培自當知法。上備言栽栽壓分接換之功已盡樹藝之道此

下復特舉苞木者。以見金切於日用也。中空曰苞。苞木。即竹葦蘆荻之類。皆屬日用至要

之需。則栽培寧移竹。惟在春秋身忌老幹。此

言移竹之法也。竹類甚繁。皆切日用。而其移之之時。春秋為上。冬月亦可。夏月不宜。然又

必取當年嫩竹栽之。自易發旺。其老幹雖栽活。而終弱。不可不知也。蕃竹要辨

雌雄。植兼奇偶。蕃。生息繁盛也。奇。單也。偶。雙也。竹有雌雄。凡第一節有枝

而奇者為雄。偶者為雌。植兼二者陰陽相濟。生息自蕃矣。經雨即移多帶

故土而易長。

凡竹須在雨後移栽。仍多帶故土以安其性。自然無有不活。諺

曰栽竹莫法。雨後便挖。此之謂也。

數竹一本。自相扶依而成。

林

一本。猶言一區也。竹性喜聚。栽時須用三株。或五株。合為一本。自相扶依以生。而成

林無

難矣。園栽先北。藉日陽之引布。坡栽先低。和

天氣而漸升。

園中先栽北。面向日者。藉其引布而自易發生。坡前先栽低處。

藉天氣以上

最宜隰煖。甚忌高寒。

隰煖之地。竹易生旺。

而高寒者。乃所甚忌。予所宜而去所忌。竹既蕃盛。而凡苞木之宜忌。皆可類推矣。歲

伐。則畱三去四。務在夏月。

竹生既盛。歲當伐取。然必畱三年斫

四年者。自不傷竹。而其時又年久。則剔腐除必以夏月。則蟲更不蛀也。

朽常用糞肥。

竹久則生花不旺。必將腐朽根株盡去。剷熟其土。多用糞肥。自

復鬯茂也。

葦荻亦切日用。栽蒔自同移竹。

上言栽竹之法。

此下言葦荻之要也。蒔亦栽也。葦柔而荻剛。亦甚切於日用。而其栽蒔之法。自同移竹也。

欲求速布。壓幹為先。

凡栽葦荻。先宜三五成叢。相去五六尺。碁列星

布。次年筍生。自然長旺。然苟欲速布獲利。俟葦長四五尺。於三四月間。周圍掘渠三四寸

深。卽將葦荻攀倒。用土實築於渠內。常以水灌。數日之間。逐節生枝。卽可廣布矣。更

期蕃息。耘糞頻施。

速布者。若更期其蕃息。長旺壯大。惟於平日常用耘

鋤之功。除去冗苗雜草。又每歲冬月。沃之以糞。灌之以水。自然日盛不衰。再或日久根結不旺者。亦當掘去腐根。此爲樹藝之大畧。勿使專其生氣。必復茂矣。
虛耕織之餘閒。此下統結樹藝之要也。樹藝法繁。此特大畧。凡耕織餘閒。卽當盡力於此。斯無虛度之日。而利生無窮矣。出作入息。惟在趨時。以種植。利用厚生。不越因地而栽接。樹藝既舉。材木有出。宮室建而出。作入息。器具備而利用厚生。然其要。惟在趨時。種植。因地栽接者之自取也。若夫細密之法。併詳後農務門中。

農則畜牧一條

既知樹藝之功。更明畜牧之要。

此下言畜牧之要也。畜養

牧。守也。上既備言樹藝之法。以繼耕桑之功。固已衣食無缺。而材木有資。然畜牧不講。又何以蕃其生息。而為全農乎。夫畜牧者。民事之重。孕字者。

孳生之原。

字。孳也。乳也。孳。生息也。

佐耕桑而收餘利。繼

樹藝而裕民財。

裕。厚也。畜牧佐耕桑以立命。而收其餘利。繼樹藝以勤功。

而裕其厚財。所益於人者。不亦大哉。

實王政之大端。乃生民之

要務。養體服勞。咸賴其力。仰事俯畜。均藉厥

功。

養體。兼衣皮食肉而言也。服勞。大而耕牛。乘馬。小而夜犬。晨雞。以及驢騾駝隻之類。

皆是也。立國立家，皆以畜牧孳生爲重計。而養體服勞，咸賴其力。仰事俯畜，均藉厥功。故孟子以亞聖之才，陳說王道，必及母雞母彘之細，誠敦本之論也。夫欲求廣布，生息先明畜牧大法，畜養如父母之育子，牧

守同郡縣之親民。

此下言畜牧之由名。以著其大要也。畜主於養，必如

父母之育子，然後其養乃厚。牧主於慈愛，無守，必同郡縣之親民，然後其守乃勤。

已嘗以身測寒熱，珍惜有加，還以腹量饑飽。

珍重寶也。鳥獸奉恩命以備用於人，人自當慈愛珍惜，身測寒熱，腹量饑飽，然後能收仰事俯畜養體服勞之利也。按時投食，而用力更有其節，應

期孕字而護胎倍多其方。

凡畜養諸物雖各具覺性備用於人

然其時食節力。孕子護胎諸要事。彼實不能自謀。而皆仰賴於人。若不深加體卹。物類何以蕃息。故必按時投食。則體有養。用力有節。則氣不竭。應期孕字。多方護胎。則種類自廣。而利益乃能無窮。夫畜牧之道。雖云多端。其要實不越乎身測寒熱。腹量饑飽。時食節力。期孕護胎。一十六字而已。誠能盡心於此。有不生息日盛而貲財日豐者。蓋未之前聞矣。其法並詳農務門中。蓋孳生莫速於五牴。

此下言畜養之利。舉一二

以概其餘也。五牴者。牛馬驢猪羊之牴者也。乃孳生之本。產利之源。人果能盡心於十六字之法。以畜養之。則年加一倍。速致富饒而無難。昔猗頓問致富之術於陶朱。朱曰。欲速

富畜五特

而積累無嫌於昆蟲

昆蟲蟲之總名也。即指下

諸物而言。積少可以成多。累小可以成大。故即昆蟲之微。亦可無嫌也。

蝓田虻

蝓可佐衣被之重。木蠹蜜蜂亦有補助之能。

蝓田者。

食槁葉之蠶也。虻食蕭葉之蠶也。蝓食槲葉之蠶也。三者皆山蠶而能作繭。紬以

佐桑蠶之所不及。是衣被之重。既有所賴。至若木蠹作蠟。蜜蜂釀蜜之類。又何嘗無補助之能。然則昆蟲之微。亦益於人。謀生者可不加之意哉。

水澤之地宜修

魚塘。高燥之處多牧牛羊。鵝鴨畜於渠潦。鷄

鵠養於平原。因地之所產而廣其種類。隨物

之所利而倍其功力。

此言畜牧之道當因其地而隨其物也。渠、河、渠。

潦行潦也。上帝造物備用。無地不有。陸生牛

馬、猪、羊、鷄、鵠、水生魚、鱉、蝦、蟹、鵝、鴨、產各不同。

而利亦有異。是宜因地而廣其種類。隨物而

倍其功力。皆可獲息而足用。卽如水澤之地。

廣開池塘以畜魚、蝦、鵝、鴨。高平之處多養牛。

馬、羊、猪、鷄、鵠之屬。無在非資生之利。惟善於

資生者自得

之而已矣。

飼飲收放必先察乎物性。老嫩

肥瘠更當達夫物情。

此統論畜牧之法也。物之性情不一。而畜牧者

必察其性。達其情。然後不失其宜。故夫飼飲

收放。性各不同。卽如鷄、鴨。晝飼夜不飼。牛、馬

晝夜兼飼。馬一日早晚二飲。羊間日一飲之。

類。又有待人收放者。有不待人收放者之異。

安可不先察其性乎。至於老嫩肥瘠。情亦相殊。卽如鷄以當年佳。鴨以隔年勝。猪羊肥則可用。鷄鴨瘠則生卵之類。又安可不詳達其情乎。物類甚繁。不能殫述。餘仍叅農務門中。是以聖人相土制宜。順造化以養萬物。俾物盡職。廣財用以厚羣生。苟生息曰蕃。自歲計有補而畜牧之道。克盡農業之務。乃全也。此統結畜牧之要也。聖人旣順命以養萬物。萬物自盡職以備人用。生息日蕃。歲計無缺。是克盡畜牧之道。而四農乃務其全矣。

農則後論

蓋一元著體無不衣食之身。二天立命各貿

耕織之功。

此下至末總結農業之要反覆叮嚀重本之意也。二天猶言二大。指

衣食而言。見生人所需無大於此二者也。帝降生民。一元著體無不資衣以被。資食以養。是謂立命之。二天然衣食出於耕織。一人難兼數事。故必各貿其功。而後衣食足而命始立。故男子不織而衣。女子不耕而食。官吏不

耕織而衣。稅食租。衆庶不政教而安居樂業。

上下交盡其職。朝野同歸於仁。

此申明貿功之意也。言官

吏則兵胥可知。言衆庶則工商可知。宇宙之內。上自君相。下至士庶。各執一事。惟必交盡

其職。自然資相爲業。衣豐食足。熙
皞昇平。朝野同歸至仁。豈不美哉。雖屬民人

專業。實爲經國遠猷。君知農。可以理天下。臣

知農。可以佐治平。士知農。可以儲經濟。民知

農。可以立身家。耕夫織女。治天下之人也。耒

耜機杼。治天下之具也。此下極言農業之重也。經。謂經綸濟。謂利

濟也。民兼農工兵胥商賈而言。機杼。謂織具也。凡人之生。皆需著體。以明道立功。卽皆需

衣食。以養其著體。無上無下。無尊無卑。莫不皆然。凡民人之業。經國之猷。一切政刑法制

禮樂教化。莫不歸本於農。而執業各有其等。大君者。統理農事者也。羣臣者。分理農事者

也。士者。修明農事以儲才者也。農者。躬親農事以生財者也。至於工之利用。兵之防衛。昏之奔走。商賈之通易。有無。要皆於農事致力者也。故治天下有人。治於君相官吏。實治於耕夫織女也。治天下有具。治於禮樂政刑。實治於耒耜機杼也。倘農事不講。則財用無出生計無資。尚安望其明道立功乎。農業之重如此。政本之所出。民命

之所關。

政出於農。無農。則政無本。民生於農。無農。則民失命。

是以天子

躬藉以示先耕。后妃親蠶以示先織。君后尚

不憚倡帥之勞。衆庶敢不盡服勤之力乎。

上

極言農業之重。此復歸本於君后。以見化行有自。士民愈不可稍緩其力。以總結上文之

意也。蓋農業所關甚大。君后旣倡帥於上。衆
庶自服勤於下。上下交修。治平有資。然後可
講禮樂之功。而
上理不難臻矣。

之方走而翼之通以有無要皆於天下之
爲也及治天下者人皆治於天下而無
大則人也天下有不治於天下而無
於天下而無治也而天下不治於天下而無
其功也天下之重如此此政本之所出民
之所歸民生於天下無貴而民失倫是以天子
躬耕以示先耕后妃親蠶以示先織君后
土野不蠶蠶矣衆庶不敢不盡服勤之力乎
歸斷樂之也而衆庶不敢不盡服勤之力乎
衆自罪懼於下土不交於下土平其資然於下
意也蓋衆業也關其太昌永賴卧相然土衆

